

Rom Pas Por ai Romihündambo sürü papimarandi

¹ Karıhasıhandürı ro Por-anahı, roana Kraıs Sisasındı moanı ratüpurıya-rıhandeimb-anahı. God ai wambo Kraısındı hoafı semındı ho-rambohünda kafaore hınıngıreandırühi asu se aboedı hoafı ra bokandıhawandı mehu-anahı nda.

² Aboedı hoafı ndanahambo God ai horombo hoafımareandı asu hoafı ra ahandı hoafı hoafıyomo-rundeimbı ai ahandı Bukambe sürü paru masıhoemo.

³ Aboedı hoafı ranana ahandı Nımorı rana-hamboane hoafımayo. Nımorı ra Sudahündı nındou adükarı bogorı Defitındı sırambeahındı nındoumbofi tüküme fiyu.

⁴ Nğa ahandı sürühoeimbı yıfiáfı ranahambo ana God-ani ahandı afındı hondayı. Ai Godındı Nımor-ani ranımbı weindahı randeanda tüküfembohünda God ai ahandı ngınındı afındınambo ahambo yıfıhündı botımarırı. Sapo aiana sıhefi Adükarı Sisas Kraıs ra.

⁵ Ahandı sünguyo ro hoafı semındı ho ratüpurı ra masahumındefı. Asu Suda-yafe ndıfo nımorehı nındowenihı munğambo hıfıhü ranai Sisasımbı anıhondümbı-ndıhorühi ahandı hoafı ra süngumbırıhindı yahuhaya ranımbı-hünda God ai yıhoefımbı kamafoareamunı.

⁶ Asu nindou Rom ŋgoafihü amarei ra siheimbo kameihiyu hoafi ra hoafimbo koamarihemuni. Sapo siheimbo God ai Sisasind-anei mehundüri.

⁷ Se Rom ŋgoafihü amarei siheimboyu sapo God ai ŋgusüfo parearühi asu ai nindou wand-anei yahuhaya dibonimendüri, siheimboanahi ro sürü nda paparihandi. Sihefi Ape God asu Adükari Sisas Kraisi ai siheimbo moani hipoambo-ndineandürühi ŋgusüfoambe afurifimbi hohoanimo mbi sabina-ndüramboane.

Por ai Romihündi hoeifendürimbo yahumboani

⁸ Ro randihe hoafindahandüri samboanahi, muŋguambo hifi nindou amarei ranai se anihondumbo-rihindeimbi nindou animboei ranimbo wataporimbo-arihündi ranimboanahi asu Sisas Kraisi ndi süngu siheimbohünda wandi God ranahambo hihifarihüni.

⁹⁻¹⁰ Godi ndi Nimori ranahambo aboedi hoafi ra hoafiya rihandühi wandi muŋguambo hohoanimo Godimbo ratüpuri-yahühanahi. Ai fifireamboani sapo ro nimbi-nimbi si siheimbo hohoanimoyahühi ahambo didibafiya arihandi. Ai wambo siheimbo hoeifendürimbo farihefe-ndirimbohündambo hohoanimoayu ana, asu ro süngunambo didi siheimbo hoeindi-heirimboyahühi.

¹¹ Ro Yifiafi Aboedi ndi-mayo moatükuni siheimbo ŋginemindi-ndürimbohünda segodürimbo sambo, ranimboanahi asu ro siheimbo hoeifendürimbo hohoanimo-ayahandüri.

¹² Hoafi nda rahurai-ane: Sihefi anihondumbofe ranina simbori-simbori

nginimbi-ramindimun-amboane samboanahi hohoanimoayahi.

¹³ Wandafi mamai, se ndorhi fifirindhindi, ro siheimbo sowana afindimbo sinimbo samboanahi hohoanimoayahi. Nga asu wambo afindimbo bidifiri moatükun-ane nafi güreandiri marandi. Ro Godindi ratüpurü ratüpurüyahühi Suda-yafe ndifo aheimbo fariheheandürani ahandi hoafi anihondumbo-rihindeimbi nindou tüküyahi marihünd-ane. Nga ranimboanahi siheimbo sowanambo amboani sinimbo samboanahi, sihei anihondumbofo hohoanimo ra farihefembohünda sapo aheimbo mafarheheandüri nou.

¹⁴ God ai wambo rani ratüpurü masendira ranimboane asu roana nindou Grikindi adükari ngoafihü amarei-anei asu nindou nimambe burayei-ane, nindou fifirihindeimbi rananei asu fifirifekoate-mayei rananei munguambo aheimbo hoafi ro moani bokandihehea samboanahi ngusüfoambe fufurafoareandiri.

¹⁵ Ranimboanahi asu Godindi aboedi hoafi nda Rom ngoafihü amarei siheimbo amboa bokandiheheandüri sa hehea ro hürütayahi.

Aboedi hoafi ana Godindi nginind-ane

¹⁶ Nga ro moai aboedi hoafi ranahambo amoanngiyahi. Nimboe sapo ranana Godindi hoafi nginindi hamindiyoy hayamboane asu ai didiyeyi anihondumbo-arihindi ranaheimbo aboedambo-reandüri-randeimbi mayowambo wambo. Sudahündi aheimbo-so boatei tüküfe mburamboyo asu sünguna ahei ndifo ranaheimbo-so amboa tüküme feyo.

17 Nga aboedi hoafi ra sapo God ai nindou anihondumbo-arihindi ranaheimboya nindou mbumund-anei ehundürü asu Godindi mbumundi hohoanimo hoafi ra ranambeah-ane weindahi tükefeyo. Mbumundi hohoanimo ranana anihondumbofe hohoanimo rani-süngu yangiri weangurühi peyo haya hombo bidifirani tükefeyo. Nga Baiborambe hoafi ranahambo yare hoafiyowohü yahoya, 'Nindou ranai ana anihondumbofe hohoanimo rani-süngu yangiri nimboeimboyei,' meho.

Munquambo nindou Godimbo daboadanambo-arihori

18 Nindou sapo Godimbo daboadanambo-rihorühi asu moaruwai hamindi hohoanimoyeihü ahei moaruwai hohoanimonambo ahandi anihondü hoafi ra gürühi arihündi. God sünambe amaru ahandi hürütü ra ranaheimbo weindahi tüküfe arandi. Asu ai ranambo nindou rahurai ranaheimbo yibobondearimbui.

19 Nga nindou ai God ranahambo fifirifembo hohoanimo ra moai dibo yangoro. Nga God ai ahandihoari rani-moatükuni ra aheimbo weindahimareandürü.

20 Yinü, God ai hifi nda nafimarandi asu horombo hondü peyo haya ho-hombo hapondani amboani rani-moatükuni ai nafimarandi ra nindou ai hoeirihimboanei. Ranimambo asu nindou ranai God ahambo ngiri himboari hondünambo hoeindihorisi, nga ai nüngunahurayü ranahambo fifirindihimboyei. Ai ahandi koadürümbo yangoroweimbi nginindi ra fifindihindi asu ai God hondayu ranahambo

fifirindihimboyei. Ranimboane asu ai ngiri roana moai ranahambo fifirihundi mbisei.

²¹ Sapo nindou ai Godimbo fifiri-marhoriyosi, nga asu ai moai Ahambo adukar-ani seihü, sihefi God-ani sahündowohü hihifirihori rihündi. Nga asu moanindi moatükunimbo ngusüfo pamarhindi asu ahei hohoanimokoate hohoanimonambo ahei ngusüfo ra nimbimamarondüri.

²² Asu ai rarihi hoafiyehi seiya, roana fifirihundeimbimindou-anefti, masei, nga ai nindou fifirifekoate tükümehindi.

²³ Asu ai God koadürümbo-koadürümbo nunguweimbim ranahambo hiningirihihihimindou, ndu, ninihondi, wako sisamim ranahambo heididibafiyehirihündühi hihifihihifiyehimarihündi.

Mamikari hohoanimo

²⁴ Nindou ranaimoaruwai ranim hohoanimomayeamboyu asu God aheimbo yare moanim hiningimareandüra asu ai yikoarifo hohoanimo ngusüfoambe botimareandüri asu amoaningümbim moatükunim simborim hoyehimarihündi.

²⁵ Nindou ra Godindim anihondü hoafim ranahambo hiningirihihihimindou, ndu, ninihondi, wako sisamim ranahambo heididibafiyehirihündühi hihifihihifiyehimarihündi, nga asu ai God mungu-moatükunim nafimarandim ranahambo hohoanimoyehim didibafiyehimarihündi, nga asu ai God mungu-moatükunim nafimarandim ranahambo moaim anihondümbo-rimhorühim didibafiyahindorihündi. Nga awi sirim

munɣuambo si aho ra ahambo adükar-ani mbisefiṁboane, ŋga anihond-ane.

26 Nindou ranai moaruwai hohoanimo ramar+hindi ranimbo-hündambo God ai aheimbo amoaninɣümbi hohoanimo ŋgusüfoambe amaro ra-süŋgure hininɣi-mareandüri. Ranimboyei asu nimorehi ai-amboani nindowenihidi bo aboedi ninɣokoate-yeihi ŋgorü nimorehi di bo mami rani hohoanimo süngumar+hindi.

27 Asu nindowenihai ai-amboani rani-süngumboemo ai hohoanimo aboedi ahamundi nimorehi-babidi refembo ra hininɣiru houmbo nindowenihai ahamundihoari bogo moaruwai hohoanimombo mehomo. Ran+yomo asu ai amoaninɣümbi moatükuni yaru arundi ranimbo-hünda asu ahamundihoari tinirifo afindi masowandümo sapo ai ramefundi rani simogodihumbo.

28 Nindou ai Godindi anihondü hohoanimo fifirife ranahambo süngufembo moei masei ranimboyei asu God ai ahei yikoarifo hohoanimo moaruwai yare hininɣimareandüra, asu ai rani-moatükuni refembo yowanimbo-mayo ra ai rani-süngumar+hindi.

29 Asu aheimbo hohoanimo moaruwai hamindi meŋgoro ranai tüküra pimareandüri yikoarifo hohoanimo, sümbuyo-randeimbi hohoanimo, hohoanife hohoanimo, ŋgorümbo yifiari hohoanimo, ŋgorümbo ŋgusüfoambe moaruwaimbofe hohoanimo, nindoumbo hifokoefe hohoanimo, ŋginindi hoafi hohoanimo, ŋgorümbo tikai hoafi hohoanimo, ŋgorümbo moaruwaimbofe hohoanimo, munɣu

hohoanimo ra süngumarihü hei.

³⁰ Raniyei asu ngorumbo daboadanı hoafi hohoanimo, ngoründi ndürı weindahı hamındı moaruwaimbofembo hohoanimo, Godimbo yiboarukofi hohoanimo, hoafi mbahirıhefimbı hohoanimo, afındı-afındeimbı hohoanimo, ahei fi ranahambo borı hohoanimo, munğuambo ra süngumarihü hei. Ai simborı moaruwai hohoanimo ranahambo refembo hohoanimo, asu hond-afındı-yafe hoafi himborı-koate, hohoanimo munğu ra rareiranı hohoanimo munğuambo ra rarıhi marıhündı.

³¹ Ai ngüsüfo hohoanımokoate-anei, asu moai ahei hoafayei ranahambo kıkıhırıhümündi, moai ahei fikımınındimbo hohoanımoyei, asu ai moai nindou ngorumbo hıpoambo-rıhindühi farıhehindüri.

³² Nindou ranai Godındı mbumundı hohoanimo hoafi ra ndorıhi fıfırıhindı. Hoafi ra yare hoafıyowohü yahoya, 'Nindou düdi ai hohoanimo yahurai hohoanimoayu ana, yıfımbiyuwamboane,' meho. Nindou ai ra fıfırıhindısi, nga moaruwai rawarıhindı. Asu ranı yangırıyopoanı, nga nindou bıdıfırı ai rawarıhindı ranaheimbo siaoyahi arıhündı kameihı.

2

Godındı yıbobofe hohoanimo ai mbumund-ane

¹ Ranımboane asu nindou dıdıyei nindou ngorumbo papı-hoafırıhündüranı, se ngırı ro

hütiyefi poani mbisei. Nga se ngorumbo papi-hoafiri hündürani se sihei-fimbo amboani papi-hoafirühi arihündi, nimboe se rani moatükuni ai rawar+hindi ra sapo se-amboani rawar+hindi ranimbo wambo.

² Nindou sapo moaruwai hohoanimo rahurai rawar+hindi ranaheimbo God ai papi-hoafarandüri, nga ahandi yibobofe hohoanimo ra mbumundi saf-ane, ra sihiri fifirihundi.

³ Nga se nindou bidifirambo ai hohoanimo rahurai hohoanimoayu ranahambo papi-hoafiri-hündühaneisi, nga se-amboa siheihoi rani hohoanimo rahurai rar+hindühanei, nga se nüngurihi ranahambo hohoanimo-yeih+yeia? Asu se Godindi yibobofe tüküfeyowambe ra aboedambo-ndahumboyefi seimboyei?

⁴ God ai siheimbo hohoanimo aboedi safi hohoanimoyundürühi siheimbo nimai yibobofe-ndürikoate gedühi hifandarandüri. Nga ahandi hohoanimo ra se moanane seimboyei? Godindi aboedi hohoanimo ra siheimbo didiboado-fendürani asu se hihirife ahambo süngufimbo-hündamboane, nga se ranahambo moai fifirihindiyo?

⁵ Nga se afindi-afindeimb-anei asu ngiri sihei moaruwai hohoanimo ra hiningindihindi. Mam rani hohoanimo süngu Godindi-mayo nginindi hamindi hohoanimo ra siheiwami papirihündühi nou-anei. Asu se süngunambo God ai nginindindühi ahandi mbumundi hohoanimo süngu yiboboreandambe animbo rani-simboani weindahi tükündifeyoani asübusümbi hohoanimo ra ndahümündimboyei.

6 Nga nindou mamami n̄ne-moatükun̄ ai rawar̄hindi ran̄i simogod̄h̄umbo an̄imbo God ai aheimbo ȳbobondear̄umbui.

7 Nindou b̄id̄if̄ir̄i d̄id̄iyei aboed̄i hohoan̄imo ra sünguar̄uh̄i hei ana, sapo God sihef̄imbo ndür̄i adükar̄imboane asu sümbokoate yanḡr̄i n̄ngombo ranane muᅇguambo ran̄i-moatükun̄i mb̄isemuna seimboanei rawar̄hindi. Nindou rahurai ranaheimbo-an̄imbo God ai yanḡr̄i koadür̄umbo n̄ngoweimb̄i ra dagadür̄imbui.

8 Nga asu nindou b̄id̄if̄ir̄i d̄id̄iyei ai ahei fimbo yanḡr̄i hohoan̄imoyeihi an̄ihondü hohoan̄imo ranahambo ȳboaruko-r̄ühindüh̄i asu n̄ne hohoan̄imo moaruwai meᅇgoro ra süngufembo hohoan̄imoayei ranaheimbo-an̄imbo God ai ᅇᅇn̄ind̄indüh̄i t̄iᅇr̄ifo af̄ind̄i dagadür̄imbui.

9 Ran̄i-simboan-an̄imbo nindou muᅇguambo sapo hohoan̄imo moaruwai meᅇgoro sünguar̄ih̄i hei ranaheimbo t̄iᅇr̄ifo-ane asu asübus̄i af̄ind̄i ranane ran̄i-moatükun̄i ra dagadür̄imbui. Ran̄i-moatükun̄i ra Sudahünd̄i aheimbo-so boatei tükünd̄ifendür̄i mbundambo-an̄imbo asu süᅇgunambo muᅇguambo nindou amur̄i-mayei aheimbo-so amboan̄i tükünd̄ifendür̄imboe.

10 Nga asu nindou muᅇguambo d̄id̄iyei ai sapo hohoan̄imo aboed̄i ra-sünguar̄ih̄indi ranaheimbo-an̄imbo God ai ahand̄i h̄imboamupui-randeimb-ane, ndür̄i adükar̄ane asu ᅇᅇsüfo afur̄ife kife-ane muᅇguambo ra dagadür̄imbui. Ran̄i-moatükun̄i ra Suda aheimbo boakor̄i dagadür̄i hayambo-an̄imbo asu nindou amur̄i-mayei ranaheimbo amboan̄i dagadür̄imbui.

11 God aiana ngiri nindoundi siri ranahambo hohoanimo, nga munguambo mamihohoanimo süngu türüfoa-reandürihani yiboboareandüri arandi. Nga nine-moatükuninindou ai rawarihindi rani-süngu yangiri animbo ai türüboadeandühi yibobondeambui.

12 Nga nindou didiyei Mosesindi-mayo ahinümbi hohoanimo ranahambo fifirifekoate-mayei-aneisi, nga moaruwai hohoanimo süngurihindani God ai ahinümbi hohoanimo ranahambo hohoanimokoate-nduhü aheimborandeandüra awandihimboyei. Asu Suda ai ahinümbi hohoanimo fifirihindisi, nga asu didiyei moaruwai hohoanimo süngurihindani ahinümbi hohoanimo rani-süngu yibobondearümboe.

13 Nga nindou didiyei ahinümbi hohoanimo ranahambo himborimayei rani-yeipoani ai Godindi himboahü aboedi mbumundi nindou animboei, nga wani. Nga nindou ai ahinümbi hohoanimo ranai hoafimayo ranahambo süngurihindühi rawarhi hei ranai-animbo Godindi himboahü aboedi mbumundi nindou tükündahimboyei.

14 Nga nindou Suda-yafe ndifo aiana moai ahinümbi hohoanimo ra fifirihindisi, nga bidifiri ai moani ahei hohoanimonambo yangiri aboedi moatükunihininümbi hohoanimo ranai hoafimayo rani-süngu-anei ratüpuriyei arihündi. Ai ahinümbi hohoanimo ra fifirifekoate-ayei amboani asu ai aboedi hohoanimo ra aheihoari purihümündihü hohoanimoyeihanei.

15 Rani hohoanimo ai rani-süngurihi

hohoanimo yei arihündi asu ahei aboedi hohoanimo ranai-ane ahei ngusüfoambe ahinümbi hohoanimo sürü apaiaro ranahambo nafuiarandi. Ranıyei asu ahei ngusüfoambe ranai-amboani ahinümbi hohoanimo ra purarihümüdi ranahambo nafuiayo, nga ngoambo yiboarukureandüri asu ngoambo ndoreandüri randühane.

¹⁶ Yibobofe si ra tüküfe simboan-animbo munğu-moatükünı sapo rahurai hamındı nındou aheimbo-so tükündıfendürımboe God ai Sisas Kraısındı warı-sünğu nındou-yei hohoanımbo dıbo meңgoro ra türüboadeandühi yıbobondeandürımbui. Hoafı yahurai ranane ro sıheimbo aboedi hoafı hoafayahındürühi bokarıhehe arıhandı.

Sudahındı asu ahinümbi hohoanımbo

¹⁷ Asu se nünğu-mandahia? Se hoafıyeihıya, roana Suda-aneftı, nga ranımbo-hündambo ahinümbi hohoanımbo ra fıfırarıhındı ranımbo wambo Godındı yıbobofeambe sıhefımbo aboedambo-ndeamunümbui asei. Asu se ro-aneftı Godındı nındou-ayeftı sei hehi ranahambo borıyei arıhündı.

¹⁸ Sapo se ahinümbi hohoanımbo ra yamundıhi mburıhü fıfırıhi hehimbo wambo God ai nıne aboedi hohoanımbo-ane ehu ra fıfırarıhındı asu mbumundı hohoanımoayo ranahamboane yıfırayei.

¹⁹⁻²⁰ Asu se hoafayeihıya ahinümbi hohoanımbo ranambe fıfırıfe hohoanımbo asu anıhındü hoafı ra munğu fıfırarıhındı asei. Ranımbo-hündambo anımbo hımboatıhari-mayei ranaheimbo nafı nafuında-hundürımboyeftı asu nındou

nĩmbĩ nĩmaroanĩ anĩboadei ranahei si rahurai-aneĩ. Asu roana sapo ŋgusũfokoate nindouyei dĩdĩboadorĩhundũrĩ-rĩhundeimbanefĩ asu nĩmoakĩdĩbou yamundĩhundũrĩ-rĩhundeimbanefĩ munɣuambo rasei arĩhundĩ.

21 Se nindou bodĩmondambo yamundarĩhindũrĩ ana, asu nĩmboe sĩhei fimbo yamundĩfekoate-ayeia? Se hoafĩyeihĩya, se hũmbuhũnĩpoanĩ, aseĩ-aneĩ, ŋga asu se ra sĩheihoarĩ hũmbuhũnĩyeihĩyei wanĩyei?

22 Se hoafĩyeihĩya, se nĩmorehĩ sĩsĩhĩmo, nindowenihĩ bĩrabĩrĩpoanĩ, aseĩ-aneĩ, ŋga asu se sĩheihoarĩ ra raweyahindũhĩyei wanĩyei? Se sĩsamĩ god ranahambo yiboarukoarĩhundĩsĩ, ŋga asu se sĩsamĩ godĩndĩ worambeahĩndĩ napo hũmbuhũnĩyei rĩhundai wanĩyeiai?

23 Se ahĩnũmbĩ hohoanĩmo ranahambo ro fĩfĩrĩhumboanefĩ seihũ ranahambo borĩyei rĩhundũhaneĩsĩ, ŋga se hohoanĩmo ra sũngufekoate-yeihĩ asu rananĩmbo se Godĩndĩ ndũrĩ moaruwaimbo-rĩhindũhĩyei wanĩyei?

24 Ŋga ranahambo Bukambe hoafĩ ranai yare hoafiyowohũ yahoya, 'Suda sĩhei sũnguna nindou ŋgorũ sĩrĩhundĩ ranai Godĩndĩ ndũrĩ ranahambo moaruwaimborĩhi hoafĩyei arĩhundĩ,' meho.

Hoearĩ kefe tĩrĩhefe hohoanĩmo asu ŋgusũfoambe hohoanĩmo-ane

25 Asu Suda se ahĩnũmbĩ hohoanĩmo ranahambo sũnguarĩhi hei ana, sĩhei hoearĩ kefe tĩrĩhefe hohoanĩmo ra mbumundĩ saf-ane. Ŋga

asu se hohoanimo ranahandi süngufe hokoate-yeiani hoeari kefe tirihefe hohoanimo ranai refekoate himbondeimboyei.

26 Asu nindou ngorü sirihündi sapo didiyei ahei fihoeari ra kefe tirihefekoate-aneisi, nga asu ai rani ahinümbi hohoanimo ra sünguarihi hei ana, nindou ranaheimbo God ai nindou ranai ana fihoeari kefe tirihefimbi himboyeimboanei mambüsü?

27 Yiní, asu Suda seana ahinümbi hohoanimo ra Bukambe mbengorindürisi asu sihei fihoeari kefe tirihefe hohoanimoyeimb-aneisi, nga asu se ahinümbi hohoanimo ranahambo süngufekoate-yei arihündi. Nga nindou ngorü sirihündi aiana moai ahei fihoeari karihi tirihahi rihündisi, nga asu ahinümbi hohoanimo ra sünguarihindi ana, nindou rahurai ana ahei aboedi hohoanimonambo siheimbo papihoafarandüri.

28 Nga nindou ai moani fi yangiri Sudahündani ranai ana Suda hondüyopoani. Asu fihoeari kefe tirihefe hohoanimo hondü ranana moani fi ranahambo hohoanimo yangiriyopoani.

29 Nga nindou düdi ai Godindi-mayo moatükuni ra ahandi ngusüfoambe amarondo ana, ai Suda hondani. Fihoeari kefe tirihefe hohoanimo hondü ranana ai ngusüfoambeahindi hohoanimo yangir-ane. Rani hohoanimo ranana moani fimbo hohoanimoyopoani, nga Yifiafindi hohoanimo-ane. Nindou rahurai ai nindouyei himboahü ndürümbi adükariyopoani, nga Godindi himboahü ndürümbi nindou-ane.

3

Moaruwai hohoanimo ra ngiri aboedi hohoanimo hifinambondeandi

¹ Ranana asu nungunde Sudahündi-yei niŋgombo ranai ŋgorü sirihündi-yei niŋgombo ranahambo ŋgasündimandea? Asu fihoeari kefe tirihefe hohoanimo ranambe nine-moatükuni aboedi tükufe aranda?

² E! Afindi munguambo moatükuni aho ra rani-poani rani-poanireamboane. Mami adükari moatükuni ranane God ai Suda aheimbo ahandi hoafi hondü ai aheimborihi hifandimbrihunda yahuhaya masagaduri.

³ Asu nindou bidifiri ai hoafi ranahambo anihondumbo süngufekoate-aye ranana asu nungumandifea? Nindou ai rani-moatükuni rawarhindi ranimbohunda asu God ai-amboani anihondumbo hohoanimo hoafi ahandi ra hinŋgimandeyo?

⁴ Tikaiyopani, nga anihond-ane, God ai ngiri rani-moatükuni ra randeandi! Nindou ai tikarhi hehi hoafayei amboani asu God aiana moani anihondumbo mam-animbo hoafindimbui. Sapo Bukambe hoafi ranai God ranahambo yare hoafiyowohü yahoya,

‘Nungu-simboaniyo se hoafindafani nindou hoafi ra anihondayo fifirimbrihindamboane.

Asu nungu-sümboaniyo nindou sihambo papi-hoafindhünani sihafi hoafi ra ahei hoafi ranahambo ŋgasündimbi-reandüramboane,’

Buk Song

51:4

meho.

⁵ Nga asu sihefi moaruwai hohoanimo ratüpurî ranî hohoanimo ranai Godîndî mbumundî hohoanimo ranahambo weindahîndeandani ana, sihirî ranahambo nûngu mambîsefa? God ai sihirî moaruwai hohoanîmoyefî arîhundi ranîmbo-hûnda ai sihefimbo simborî tîjîrîfo asemuni ana, asu ahandî hohoanimo ra moaruwai-ane, randîhu ramambîsefiyo wanîmandefîyo? (Nindou sihefi hohoanimo sünguanahî moanî ndarîhe hoafiyahî.)

⁶ Rani-moatükunî ra ai wanî! Asu God ai mbumundî hohoanîmokoate-ayu ana, asu nûngunde ai nindou hîfî ndanîhü anîmboei ranaheimbo türüboadeandürîhî yîbobomandeandüra?

⁷ Asu wandî tikai hoafî hohoanimo ranambo Godîndî hoafî hondü ra weindahî-rîheandani asu ahandî ndürî adükari tüküfeyo ana, asu nîmboe wambo moaruwai hohoanimo-yaheimbî nindou nou God ai papî-hoafarandîra?

⁸ Refeana, sihirî randîhu hoafîndefîhüya, awi sihirî moaruwai hohoanimo ranî yangî-anîmbo süngundîhu ngefani ranîmbo asu aboedî hohoanimo ra ranî-süngu tükündîfeyoanî mambîsefiyo? Karîhasîhandürî wanî. Nindou bîdîfirî wambo tikai hoafiyahü-ndîrîhüya Por aiana yahurai hoaf-ane wataporîmbora arandî aseî. Süngunambo-anîmbo God ai aheimbo ramarîhindî süngu türüboadeandürîhî tîjîrîfo dagadürîmbui, nga ranî-moatükunî God ai refemboayu ra ai aboed-anesî.

Nindou moai mbumundî mamî ai-amboanî hîfîrî nûngu

9 Awi refe ana, Suda sihiŕi nindou ŋgorü siŕihündi ranaheimbo ŋgasündihurümbobeyefiyo? Ra ai wan! Ro ranimoatükuni ranahambo hoafiyaheimb-ane, nindou ŋgorü siŕihündi ranane, asu Suda ranane, muŋguambo sihiŕi ana mamŕi simogodi nindou yangŕi-aneŕi asu muŋguambo moaruwai hohoanimo süŋgurihu-rihundühi sihefihoari hüti-aneŕi.

10 Nga Bukambe hoafi ranahambo yare hoafiyowohü yahoya,

‘Nindou mamŕi ai-amboani moai mbumundi nüŋgu.

11 Nindou mamŕi ai-amboani moai Godindi moatükuni ranahambo fiŕireandi, nindou mamŕi ai-amboani moai Godimbo kokorüri randi.

12 Muŋguambo ai Godimbo daboadi hihiŕihorimboanei.

Muŋguambo ai nindou moaruwai saf-aneitükümehindi.

Nindou mamŕi ai-amboani nine-moatükuni aboedayo ranimoatükuni moai rareandi, nga wanŕi,’ *Buk Song 4:1-3; 53:1-3; Saveman 7:20*

13 ‘Muŋgu yafambe ana yifambe gabudifekoate aniŋgo rahurai-anendüri.

Tikai hoafi moaruwai ranai ahei teifi ranisüŋgu hihiŕe ho piyowohü moani yangoroweimbi hoafi ranai tüküfi-ane.’ *Buk Song 5:9*

‘Amoasiriŕindi yahafambe nindou hiŕifokoefembo tiŕbagi amaro nahurai.’ *Buk Song 40:3*

14 ‘Ahei yafambe ambe ana nindoumbo God ai moaruwaimbo-mbireandüra-mboane yaho hoafi

asu moaruwai hühütimbü hoafi ranî yangîr-ane hoafîyei arîhündî.’ *Buk Song*

10:7

15 ‘Aiana nindou hîfokoefembo hohoanîmoayei.

16 Aiana nahanînyo ahei ra muᅅgu-moatükunî moaruwaimbofe howohü tîᅅîrîfo afîndî saimbo yangîrî nindou-anei.

17 Aiana nindou ᅅgorü-babîdîmbo moai wudîpoaporîhi nîmarei.’ *Aisaia 59:7-8*

18 ‘Aiana moai Godîmbo akîdou-amboa ahînrîhorühî yîhîmboyahündo rîhündî,’

Buk Song 36:1

meho.

19 Asu sîhîrî fîfîrîhumboanefî, muᅅguambo hoafi ahînümbî hohoanîmo ai hoafayo ra nindou didîyei ranahandî hoarehîndeihi süᅅgumbîrî-hindamboane. Ranîmboane asu nindou mam-amboa ᅅᅅîrî hoafîndühî ro mbumund-anahî mbüsu, ᅅᅅa wanî. Asu nindou muᅅguambo Godîndî hîmboahü hütî-anei ra nafuimbohünda ahînümbö hohoanîmo eᅅgoro.

20 ᅅᅅa ahînümbî hohoanîmo süᅅgufembo ranînambo ᅅᅅîrî nindou mamîmbo amboanî Godîndî hîmboahü nindou mbumund-anahî mbüsu. Ahînümbî hohoanîmo ranai ahandî ratüpurî sîhefî hohoanîmo moaruwai nafuiyamunî randühane.

Anîhondümböfe süᅅᅅu nindou ai Godîndî hîmboahü mbumund-anei

21 Nga hapondani ana God ai ahandi nindoumbo mbumund-anei ehu hohoanimo ranana ai weindahi tüküfemboane. Nga asu rani-moatükuni ra sapo ahinümbi hohoanimo mengoro rani-süngupoani tüküme Feyosi, nga ahinümbi hohoanimo raniyo Godindi hoafi hoafiyomo-rundeimbi ranai-amboani rani-moatükuni ranahambo weindahiru masihoemo.

22 Godindi-mayo mbumundi hohoanimo ranana ndahurai-ane: Nindou munguambo didiyei ai Sisas Kraismbo anihondümborihori, ranaheimbo God ai nindou mbumund-anei ehu ahei anihondümbofe hohoanimo rani-mbo-hündambo. Nga nindou ranai ngorüpoaniyombo-yopoani.

23 Wani, nga nindou munguambo moaruwai hohoanimo-yeimboanei asu mbumundi sürühoeimbi hohoanimo God ai siaoayu ra mbonimbo-rihümündimboanei.

24 Nga asu God ai aheimbo moani hipoamboarandüri. Ranimboyu asu ai nindou ranaheimbo aboedi mbumund-anei mehündüri sapo Krai Sisasi aheimbo aboedamboomareandüri ranahandi süngu.

25 God ai Krai ahamboya, ahandi hori ranai pindowohü-animbo nindou didiyei ahambo anihondümborihori ranai moaruwai hohoanimoayei ra popoaimbiramindüramboane yahu hayamboyu. God ai rani-moatükuni ramareandi ra ahandi hohoanimo moani mbumundi hamindi hondayo ra nafuimbohünda ramareandi. Nga horombo ana nindou ai moaruwai hohoanimomayeisi, nga

God ai rani-moatükunî ranahambo hiniŋgrou safi hifandandühi asu ai moai nîmai rani-moatükunî ranahambo simborî tîŋîrîfo saimbo hohoanîmoyu.

²⁶ Yinî, ai Sisasiŋbo maserü ra haponda ndanambe ana ahandî mbumundî hohoanîmo ra weindahî nafuimbo-hündamboyo. Rani süŋgumboane ro fifîrîhundî ra God ai ahandîhoari mbumundî hamîndî hond-ani asu nindou düdi ai Sisasiŋbo anîhondümbö-arîrî ranahambo seana nindou mbumund-anafî yahu arandî.

²⁷ Asu refe ana, nîne-moatükunî ranahambo sîhîrî borîmandefî habodefa? Ngîrî moanî borîndefî. Asu nîmboe rani-moatükunî rana? Rani mbumundî moatükunî ra sapo ahînümbî hohoanîmo meŋgoro ra süŋgufembo-hündamboyo? Wani, ŋga sapo sîhîrî anîhondümbö-arîhundî ranîmbo-hündamboane.

²⁸ Ngâ sîhîrî ana ra fifîrîhundî, nindou moanî anîhondümbö-arîhindî ranaheimbo-anîmbo God ai nindou mbumund-anei mbüsümbui, ŋga ahînümbî hohoanîmo ra süŋgufembo ranîmbo-hündambo ngîrî randearü.

²⁹ Asu nîmboe rana? Asu God ai Suda-yei God yaŋgîrîyu? Asu nindou ngorü sîrîhündîyei God kameihîyu? Yinî, God ai nindou ngorü sîrîhündîyei God amboan-ani.

³⁰ God aiana moanî mamani. Raniyu hayambo ranani Suda sapo ai ahei fihoeari karîhi tîrîhehi arîhundî ranai anîhondümbö hohoanîmo süŋgu aheimbo nindou mbumund-anei mbüsümbui. Asu nindou ngorü sîrîhündî sapo ai ahei fihoeari kefe tîrîhefekoate ranai anîhondümbö

hohoanimo süngu aheimbo amboa nindou mbumund-anei mbüsümbui.

³¹ Asu sîhîrî ranî anîhondümböfe hohoanimo ranambo sapo ahînümbî hohoanimo mengoro ra moanane sefai? Ai ra wani! Nga ahînümbî hohoanimo ahandî nimîndî ra ngînîrî-humündefühanefî.

4

God ai Abrahamimbo nindou mbumund-anafî mehundo

¹ Asu sîhîrî sîhefî amoa Abraham ranahambo nûngu mambîsefa?

² Abraham ai nîne aboedî moatükunî ratüpurîmayu ranahambohünda God ai ahambo nindou mbumundî aboed-ani mbehu-mbonana, asu ranimbo-hünda borîmbomayu-hündîyosî. Nga ranimbo-hünda Godîndî himboahü ngîrî borîndu.

³ Nga Bukambe hoafî ranai yare hoafîyowohü yahoya,

‘Abraham ai Godimbo anîhondümbö-marîrî ranîmboyu asu God ai ahambo nindou mbumund-anafî mehundo ahandî anîhondümböfe hohoanimo ranî-süngumbo wambo,’ meho. *Stat*

15:6

⁴ Sîhîrî fîfîrîhundî ra, nindou ai nîne ratüpurî ratüpurayu ana, ai ranî takîni kaki semündüh-ani. Ahandî kaki ra moanî sabudowanî semündühüypoanî, nga sapo ai ratüpurîmayu ranî takînimbo asabudo-ane.

⁵ Nga asu nindou düdi ai ahandî ratüpurî ranahambo hohoanîmokoate-yuwohü asu ai moanî God sapo nindou hohoanimo

moaruwaimbü aheimbo nindou mbumund-ane
 ehu ranahambo an+hondümböariri ana, asu ai
 ahandi an+hondümböfe hohoanimo ranahambo
 mbumundi hohoanimo-ane yahu arandi.

⁶ Nindou rahurai-ane God ai ahambo
 mbumundi nindou-ani ehu, nga moai ahandi
 ratüpurimbohünda, nindou ranai hihifi-
 hihifümbi nindou-ani yahu. Nga Defit amboa
 ranahambo hoafimayu.

⁷ Ai yare hoafiyuhü yahuya,

‘Nindou ai hihindi hohoanimoyeian asu God ai
 amboawiyeyi yahuhü ahei moaruwai ho-
 hoanimo ranahambo gabudareandi,
 nindou ranai ana hihifi-hihifümbi nindou-
 anei.

⁸ Nindou ai moaruwai hohoanimoyuwan asu
 Adükari ai ranahambo hohoanimokoate-
 ayundo ana,
 nindou ranai hihifi-hihifümbi nindou-ani,
Buk Song 32:1-2

mehu.

⁹ Sapo hihifi-hihifi hohoanimo ranahambo De-
 fit hoafimayu ra, nindou fihoeari kefe tirihefe ho-
 hoanimo süngurundeimbi ranaheimbo yangiriyu
 hoafimayu? Wan. Nga nindou fihoeari kefe
 tirihefe hohoanimo süngufekoate-ayeyi ranahe-
 imbo kameihiyu ai yare hoafimayu. Nga
 sihiri rarihu fifirihundi ra, God ai Abrahamindi
 an+hondümböfe ra hoeireandani mayoa ahambo
 nindou mbumund-ani mehu, asefi.

¹⁰ Nga nüngusumboanoyo rani-moatükuni ra
 ahambo tüküme Feyowa? Abraham ai ahandi
 fihoeari ra kefe tirihefekoate-yuwambeyo asu
 kare tirihai hayamboyuwambeyo God ai ahambo

yare hoafi mayundo ra? Sapo ai fihoeari kefe tirihefekoate-yuwambeyo, nga sungunambo-yopoani.

¹¹ Ai ahandi fihoeari ra kefe tirihefekoate nunguambe Godimbo anihondumbo-marira asu God ai ahamboya se nindou mbumund-anafi mehundo. Ra nafuimbohunda God ai ahambo fihoeari kefe tirihefe hohoanimo masagado. Ranimboani Abraham ai munguambo nindou moai fihoeari ahei ra karihi tirihehindi si, nga asu ai Godimbo anihondumbo-ariori ranahei amao amboanayu. Ranimbo-hundamboyo asu God ai aheimbo amboani se nindou mbumund-anei mehundi.

¹² Nindou bidifiri ai fihoeari karihi tirihehindeimbi yangiri-yeipoani, nga anihondumbo-rihindeimbi kapeih-anei asu sihefi amao Abrahamndi anihondumbofe hohoanimo sungurahi arihundi. Asu horombo Abraham ahandi fihoeari kefe tirihefekoate-yuambe anihondumbo-mareandi rani-sungumefundi ranimbo-hundamboani ai ahei amao-ayu.

Godindi horombo hoafi ra munguambo anihondumbo-rihindeimbi-yafe-ane

¹³ God ai Abraham asu ahandi amao mam ranaheimbo hifi munguambo ra ndahandurimboyahi yahuhaya horombo hoafimareanduri. God ai ahambo rani hoafi ahinumbi hohoanimo sungufembo rani-sunguyopoani ai horombo hoafimareandi. Nga Abraham ai Godimbo anihondumbo-mariramboyo asu God ai nindou mbumund-ani mehundo. Nga rani-sungumboyo rani-

moatükunî semîndîmbo God ai horombo hoafî ra hoafîmeindo.

14 Sapo nindou ai ahînümbî hohoanîmo ra süngurî-hündeimbi-mayei ai yangîrî Godîndî munġu-moatükunî ra asahümündi ana, asu anîhondümbo hohoanîmo ra moanî niġombo nou-ane. Asu Godîndî horombo hoafî ranamboanî yafui hoafî yangîrî nou-ane.

15 Sapo ahînümbî hohoanîmo ra yangorühi asu Godîndî ġġinîndiyowohü tiġîrîfo saimbo hohoanîmo ai-amboa yangoromboane. Nġa asu ahînümbî hohoanîmo ra yangorîkoate-yowohü asu ġġîrî nindou ai ahînümbî hohoanîmo ranahambo süngufekoate-ayei mbîsefi hoafîndefî.

16 Ranîmboane asu ranî-moatükunî ranahambo sapo God ai saimbo horombo hoafîmareandî ra anîhondümbofe hohoanîmomayo ranî-süġgu tükefeyo. Ranîmbohündambo-anîmbo ranî-moatükunî ra sapo ahandî hîpoambofe hohoanîmomayo ranî-süġgu yangîrî-ane tükefeyo. Nindou dîdîyeyi sapo ahînümbî hohoanîmo ranahambo süġguarîhindî ranaheimbo yangîrîyopoanî, nġa nindou sapo anîhondümbo-arîhindî ana, Abraham ai anîhondümbo-mareandî nou ai-amboanî ra ndahümündimboyeisî. Abraham ai ana munġumbo sîhefi amoa nahurai-ani.

17 Ranîyo Bukambe hoafî ranai yare hoafîyowohü yahoya, 'Ro sîhambo afîndî hîfî hîfî nindou ranahei amoaombeyafa sahehea hîniġġî-marîheanîni,' meho. Ranîyo ranî hoafî ra anîhond-ane nimboe sapo God ahandîhoarî hoafîmayu. Abraham ai Godîmbo anîhondümbo-

mariri ranai-ani nindou yifihündi yangiri botire asu nine-moatükunî munḡuambo tüküfekoate ra ahandi hoafi süngu hoafi yangiri moani aimbore tüküfe arandi.

¹⁸ God ai Abrahamimboya, 'Sihafi amoa mamî ana tapuiyowa ḡiri kikiñdeandi,' mehundo ra ai moai fifireandi nungunde rani-moatükunî ahambo tükümandife. Nga Abraham ai rani hoafi ranahambo himboriyu haya Godimbo anihondumbo-rirühi himbomayu hu. Rani-mboane asu nindou afindi hifini ranahei amoa tüküme fiyu God ai yare hoafimayu nou.

¹⁹ Abraham ai ndeara 100 himbani boagiri safiyusi, nga asu Godimbo anihondumbo-fimbo hohoanimo ranai moai warambe hoafireri ahandi fi ranai ndeara akimi yifimbo yangiriyowambe ra. Asu ahandi nimorehi Sara amboani ahandi fi ra ndeara boagiri-yowohü wambo ḡiri nimori wakindamindo.

²⁰ God ai Abrahamimbo mamî moatükunî ndahandombayahî yahuhaya horombo hoafimendu rani-mbo moai yimbumbore hohoanimo, nga Godimbo ḡinindi anihondumbo-rirühi aboedani mehu.

²¹ Raniyu ai nine hoafi God ahambo randi-heamboyahî mehu rani-mbo anihondumbo ai randeambui yahuhaya himbomayundo.

²² Ai yare hohoanimomayu-wamboyu asu God ai ahamboya, 'Seana mbumund-anafi wandi himboahü,' mehundo.

²³ Baiborambe yare hoafiyowohü yahoya, 'God ai ahambo nindou mbumund-anafi wandi himboahü,' mehu ra Abraham ahambo yangiri

hamindi hoafiyumbo-yupoani, nga wani.

²⁴ Nga rani hoafi ra sihefimbo kameihiyu hoafimemuni. Sihiri sapo God Sisas sihefi Adukari ranahambo yifihundi botimariri ranahambo-animbo anihondumbo-ndihurimboane. Rananimbo asu God ai sihefi anihondumbofe hohoanimo ranahambo hoafinduhuya rani anihondumbofe ranana mbumundi hohoanimo nou-ane mbusumbui.

²⁵ God ai Sisas ranahambo hifi ndanihu yifimbohunda koamaritheru ra sihefi moaruwai hohoanimo ranahambo gogori-hefembohündamboyu. Asu God ai asukaiyu yifihundi botimariri ra sihefimbo wandi himboahu nindou mbumund-anei yahombohündamboyu botimariri.

5

God ai sihefimbo nindou mbumund-anei ehumuni

¹ Sihefi anihondumbofe hohoanimo ranimboghündambo God ai sihefimbo nindou mbumund-anei ehumuni. Ranane asu haponda sihiri sihefi Adukari Sisas Kraisindi sungu-ane fi Godbabidimbo aboedi-aboediyahumboayefi.

² Sihefi anihondumbofe hohoanimo ra Adukarindi sunguyo nafi mengorowa sihiri Godindi moani hipoambofe ranambe kefoehu animboefi. Ranane fi asu sihiri God ai sihefimbo semindimunan asu ahandi suruhoeimbi himboamupui-randeimbi ranahambo semindimbo anihondumbo-rihunduhi hihifi-hihifiyefuhi himboayefi.

3 Asu ranahambo yangiri-yefi-poani hihifi-hihifi-yefi arihundi, nga wani. Nga nine tihirifo sihefimbo-so tükefeyo ranahambo kameihanefi hihifi-hihifi-yefi arihundi. Nga sihiri fifirihundi tihirifo tükefeyomuni ranai moanane yaho hohoanimo ra süngwareandi.

4 Asu moanane yaho hohoanimo ra nginindi ningombo hohoanimo süngwareandi. Asu nginindi ningombo hohoanimo ra Godimbo anihondumbo himboyondombo hohoanimo süngwareandi.

5 Asu sihiri rarihu yahurai anihondumbo himboayefi hefi ana, asu ngiri ngusüfoambe moaruwaindamuni, sapo God ai sihefimbo Yifiafi Aboedi semuni mbura rani-süngu ahandi-mayo ngusüfo pefe hohoanimo ra sihefi ngusüfoambe botimareamuni wambo.

6 Nga horombo sihiri nginindi ningokoate-yefambe rani-simboani God ai kamafoareandi nindou ahambo daboadi hihirihirihundeimbi ranaheimbohünda Kraisi ai yifimayu.

7 Nindou mbumundi hohoanimoyeimbi amboani ngiri ahambohünda yifimbo hohoanimodu. Nga nindou mamami ai nindou ngörü aboedi-mayu ranahambohünda yifimbo hohoanimomandüyo asu wanimandüyo.

8 Nga asu sihiri moaruwai hohoanimo süngu yangiri süngurihündühi nimboefambe Kraisi ai sihefimböhündambo yifimayumuni. Ranimambo asu God ai sihefimbo ngusüfo pamareamuni ra nafuiyumuni arandi.

9 Ranana asu haponda Kraisiindi hori rani-

süngu God ai sihefiṁbo ai mbumund-ane
 ehu ana, asu sihiriṁ fiṁriṁhundṁ ahandṁ süngu
 Godṁndṁ hürütü ranambeahṁndṁ aboedambo-
 ndahumboyefṁ.

¹⁰ Horombo ana sihiriṁ Godṁndṁ hürütümbiyefṁ,
 nga asu hapondanṁ ana Godṁndṁ Nṁmorṁ
 yifimayu rani-süngumbo God-babidiṁ
 ṁgunindṁmbore hinṁṁṁṁmareamuni. Asu
 haponda sihiriṁ ahandṁ yifṁ süngu ndarihu
 Godṁndṁ ṁgunindayefṁ ana, sihiriṁ fiṁriṁhundṁ ra
 ahandṁ yangṁriṁ nṁṁṁṁṁ hohoanṁmo rani-süngu
 aboedambo-ndahumboyefṁsi.

¹¹ Nga asu raniṁ yangṁriṁyopoanṁ, nga sihiriṁ
 sihefiṁ Adükariṁ Sisas Kraisiṁndṁ süngu Godṁmbo
 hiṁhiṁ-hiṁhiṁyahu-ndowohaneṁ. Ranahandṁ
 süngu sihefiṁbo Godṁndṁ ṁgunindṁmbore
 hinṁṁṁṁmareamuni.

*Adam ai yifṁ hohoanṁmo nṁṁṁndṁhüyu
 asu Kraisi ai yangṁriṁ nṁṁṁṁṁ hohoanṁmo
 nṁṁṁndṁhüyu*

¹² Nindou mamṁ ranahandṁ sünguyo
 hohoanṁmo moaruwai ranai hiṁfiṁ ndanṁhü
 tükümeṁfeyo. Nga moaruwai hohoanṁmo
 ranai yifṁyorambo hohoanṁmo raniṁ diṁbore
 tükümeṁfeyo. Ranṁyo asu yifṁ hohoanṁmo
 ranai muṁṁṁṁambo nindou ranaheimbo-so
 tükümeṁfeyo sapo muṁṁṁṁambo nindou moaruwai
 hohoanṁmomayei ranṁmbo.

¹³ Nga ahṁnṁmbṁ hohoanṁmo tüküṁṁṁṁṁ-
 yowambe moaruwai hohoanṁmo ranai hiṁfiṁ
 ndanṁhü meṁṁṁṁṁ-ane. Nga asu ahṁnṁmbṁ
 hohoanṁmo yangṁriṁkoate-yowambe ana,

moaruwai hohoan+ moyeian+ ra moai ranahambo hoafi yangori randi.

¹⁴ Nga an+hond-anesi, horombo Adam ai nunguwambe peyo haya ho-hombo Moses nunguwambe tukumefeyo ranambe ana munguambo nindou ranaheimbo yifimbo hohoanimo ranai hifandimaranduri howa yifisafimayei. Nindou bidifiri Adam moaruwai hohoanimomayu ai moai rahurai rahindisi, nga aheimbo yifimbo hohoanimo ranai hifandimaranduri.

Adam aiana Nindou sunguna tukufemboayu ahandi sisami nahurayu ramefiyu. Nga asu nindou yimbu ahafandi hohoanimo ra ngorupoan+ ngoru-poan+mboyo.

¹⁵ Nga Godindi moani saimbo moatukuni ranana Adamindi moaruwai hohoanimo rahurai simogod+yopoan+, nga wan+. Nga nindou mam+ ahandi moaruwai hohoanimo sungu nindou afindi yifiyei marihundi. Nga asu Godindi moani hipoambofe hohoanimo, moaruwai hohoanimo ra afindi ngasundareandi. Nga Nindou mam+ Sisas Krais ahandi moani hipoambofe hohoanimo sungu moani saimbo moatukuni nindou afindi ranaheimbo tukufe marandi.

¹⁶ Ranane asu Godindi moani sai moatukuni asu nindou mam+ ahandi moaruwai hohoanimo ra ngoru-poan+ ngoru-poan+ reamboayo. Nga nindou mam+ ahandi hohoanimo moaruwai ranahandi sunguyo God ai nindou aheimbo papi-hoafiriruhi aheimbo huti-anei mehu. Nga asu Godindi moani sai moatukuni ranahandi sunguyo nindou hohoanimo moaruwai afindi ramar+hindisi, nga asu God ai aheimbo nindou

mbumund-anei wandi himboahü mehundüri.

¹⁷ Nga sapo nindou mamî ranahandambohöndî ahandî moaruwai hohöanîmo süngu yifî hohöanîmo ranai tükife haya hifandarandüri. Nga asu nindou didiyei Godîndî-mayo moanî hipoambofe afîndî safî ranane asu ahandî moanî sai moatükunî sapo mbumund-anei ehu hoafi ranane ra asahümündi ranai yangîrî nîmboeimbo hîbadîhümboyei.

¹⁸ Ranane asu nindou mamî ahandî moaruwai hohöanîmo ranîmbo-hünda münguambo nindou ranaheimbo God ai se hütiyei, nga ranîmbo-hünda moaruwai-mbeyeiamboane mehu hoafi ra tüküme Feyöndüri. Mare yahurai-ane Nindou mamî ahandî mbumündî hohöanîmo ranîmbo-hünda münguambo nindou ranaheimbo Godîndî himboahü se mbumündî nindou-anei hoafi ranane asu yangîrî nîngombo hohöanîmo-ane münguambo tüküme Feyöndüri.

¹⁹ Nindou mamî ai Godîndî hoafi süngufekoate-mayu asu ranîmbo-hünda nindou afîndî ranai hohöanîmo moaruwaiyeimbi tüküme hindî. Mare yahurai-ane Nindou mamî ai Godîndî hoafi süngure haya asu ranîmbo-hünda nindou afîndî ranai Godîndî himboahü hohöanîmo mbumündîyeimbi nindou tükündahimboyei.

²⁰ Ahînümbî hohöanîmo moaruwai hohöanîmo ratüpurî afîndî tüküfembohünda tüküme Feyö. Nga asu moaruwai hohöanîmo ranai afîndî tüküme Feyö-wamboyo Godîndî moanî hipoambofe hohöanîmo ranai afîndî hamîndî tüküme Feyö.

21 Asu hoafi ra rahurai-ane, horombo moaruwai hohoanimo ranai nindoumbo hifandimarandüri asu ranisünggu yifi hohoanimo tüküme Feyondüri. Mare yahurai-ane haponda Godindi moani hipoambofe hohoanimo ranai nindoumbo hifandirandüra ranisünggu nindou Godindi himboahü mbumundi tükehindi. Ranihünd-ane yangiri koadürümbo animboei sihefi Adükari Sisas Kraisindi süngu.

6

Moaruwai hohoanimo süngumbo yifimbo nahurai-mayefi, nga Kraisindi süngu yangiri animboefi

¹ Asu refe ana sihiri nüngu mambisefa? Sihiri moaruwai hohoanimo rani yangiri randihu ngefa Godindi moani hipoambofe hohoanimo ranai afindi tükümbife yo-wamboane, mbisefi hoafimandefiyo?

² Rani-moatükuni ra ai ngiri randife yo, nga wani! Sapo sihiri moaruwai hohoanimo rana-hambo yifi nahuraimayefi. Asu nüngundihu moaruwai hohoanimo ra süngumandihu ngefa?

³ Sihiri Sisas Krais-babidi nimboefimboyefi himoni hundürimayefi ra. Ranana asu sihiri aibabidi yifimayefi ra se moai fifirihindiyo?

⁴ Sihiri himoni hundürimayefi ra aibabidimbo yifiyefa asu aibabidimbo masamboareamuni nou-ane. Ranimbohündambo Apendi nginindi afindi raninambo Kraisimbo yifihündi botimariri yahurai-ane

asu sihiri amboani simbori hohoanimo yangiri süngundihumboane.

⁵ Sihiri ai-babidi mamí yifimayefi sapo ai yifimayu nou. Ranana asu sihiri ai-babidi mamí yifihündi botindahumboane ai botimefiyu nou.

Sihiri Krais-babidi yangiri nimboemboyefi

⁶ Asu sihiri fifirihundi nda, sihefi wamindafi hohoanimo ra ai-dibo nimi keimbi karihendeimbi fihí yifimayo, moaruwai hohoanimo sapo sihefi fiambe hoangohü ratüpuríyo arandi ra ahandi nginindi ra raguanambo-fembohünda. Asu ranimbohündambo ngiri sihefimbo moaruwai hohoanimo ranai hibadamuni ngo.

⁷ Nga nindou düdi ai yifayu ana, asu moaruwai hohoanimondi nginindi ranahambo aboedambofih-ani.

⁸ Asu sihiri Krais-babidi yifi-yefeimbihündi nouehundi ana, rani-moatükuní ra sihiri anihondumbo-ríhu fifirihumboanefi, ranana awi sihiri ai-babidi yangiri nimboemboyefi.

⁹ Krais ai yifihündi botifi hayambo wambo asükaindu ngiri yifindu. Asu yifimbo hohoanimo ranai ngiri ahambo ahandi nginindinambo hibadiri ngo. Nga sihiri rani-moatükuní ranahambo fifirihumboanefi.

¹⁰ Sapo ai munguambo moaruwai hohoanimo ra hifinambofembo mamimbo yangiri yifimayu. Nga asu haponda ai yangiri anüngu ranimbo kameihíyo. Nga haponda ai yangiri anüngu ranana God-dibo-ani anüngu.

11 Mami rani-süngumbo-animbo se sihei fimbo hohoanimondei, se moaruwai hohoanimo ranahambo yifimayei nou asu ahandi nginindi hoarehi moai niboadei hei, nga wani. Nga se sihefi Adükarü Sisas Krai ahandi süngu Godbabidi yangiri aniboadei.

12 Rananimbo asu se sihei yifiyo-randeimbi fi ra moaruwai hohoanimo ranai hibadarümböe, nga yowanü. Moaruwai hohoanimo ranai siheimbo hühündeiranü asu se sihei wamindafi hohoanimo ahandi yifiri moaruwai ranahambo süngundhimboyei, nga yowanü.

13 Asu se sihei fi mami bidifiri amboanü moaruwai hohoanimo ranahambo hinüngindowandanü ndemindimboe. Mamikari hohoanimo moaruwai fifanüngareimbi ra refembohünda hohoanimondeimboyei. Nga se siheihöari Godimbo ndahündo sopo se nindou yifihündi botifi yangiri anüngu nou-anei. Asu sihei bidifiri fi münguambo ra ahambo hinüngindihindo mbumundi hohoanimo refembohünda.

14 Nga moaruwai hohoanimo ranai siheimbo hibadarü ngomböe, nga yowanü. Nimboe sopo ahinümbi hohoanimo ahandi hoarehi se moai niboadei, nga se Godindi moani hipoambofe hohoanimo ranahandi hoarehi animboei.

Sihiri ana mbumundi hohoanimondi moani ratüpuriyefiri-hundeimb-anefi

15 Ranana asu sihiri ra nüngumandahuwa? Haponda sihiri ahinümbi hohoanimo mengoro rani hoarehi nüngokoate, nga sihiri Godindi moani hipoambofe hohoanimo rani hoarehi

animboefi. Asu ranimbo-hünda sihiri ra moaruwai hohoanimondefi mandihundiyo? Rani hohoanimo ra sihiri ngiri randihundi, nga wanane!

¹⁶ Se nindou ngorüdi hoarehi ni-boadeimbo ahandi hoafi himborayei ana, asu se ahandi moani ratüpuriyei-rihündeimbi nahurai-anei. Asu se moai ranimbo fifirihindiyo? Se moaruwai hohoanimondi hoafi sünguarihündi ana, asu ranimbo yifindeimboyei, nga se Godindi hoafi sünguarihündi ana, asu ranimbo ahandi himboahü mbumundi nimandeimboyei.

¹⁷ Yin, horombo ana se moaruwai hohoanimo ranahandi moani ratüpuriyei-rihündeimbi nindou manimboei-anei. Nga asu hapondani ana se anihondü yamundife hoafi masahümündi ra sihei munguambo hohoanimo ra süngurihindühanei. Nga ranimbo-hündambo-animbo God ahambo hihifindihurimboane!

¹⁸ Seana moaruwai hohoanimondi nginindi ranambeahindi aboedamboyahi hehimboane asu mbumundi hohoanimo ranahandi ratüpuriyei-rihündeimbi nindou-yahimboanei.

¹⁹ Rani hoafi ranai himborimbo siheimbo tiñümb-ane ranimboane asu ro moani nindou sihefi hohoanimonambo ndarthe hoafayahandüri. Horombo ana sihei fi ra moaruwai hohoanimo refembohünda rarihi hininngirithi hehimbo moaruwai hohoanimo ra rasüngumarithi hei. Mami yahurai-ane hapondani ana sihei munguambo fi ra randithi hininngindihindi mbumundi hohoanimo asu sürühoeimbi hohoanimo refembohünda.

²⁰ Horombo se moaruwai hohoanimo

ranahandi ratüpurî moanî ratüpurîyeyiambe se moai aboedi mbumundi hohoanîmo ranahandi ratüpurîyeyi-rîhündeimbi nîboadei.

²¹ Amoanîngeimbi moatükunî se ramarîhinda ra-süngumbo asu nîne moatükunî aboedi tükümefoyowa? Hohoanîmo ranîhündî yîfî yangîr-ane tükefe arandî.

²² Nga hapondanî ana se moaruwai hohoanîmo ranambeahîndî aboedamboyahi tüküyahi hehi Godîndî moanî ratüpurîyeyi-rîhündeimbi yangîrî nindou tüküyahimboanei. Hohoanîmo ranîhündî se sürühoeimbi hohoanîmo sahümündi asu yangîrî koadürümbo-koadürümbo nîngombo hohoanîmo ra tüküfeyondürî arandî.

²³ Nga moaruwai hohoanîmo ra ahandî ratüpurîyeyi-rîhündeimbi ahei ratüpurî süngu ranî takînî sagadürî arandî, sapo takînî ra ai yîfî hohoanîmo ranane. Nga asu God ai moanî sîhefîmbo sai arandî ahandî moanî saimbo moatükunî ra sapo yangîrî koadürümbo nîngombo ranane, sîhefî Adükarî Sisas Kraisîndî süngu.

7

Sîmborî hohoanîmo süngufe

¹ Wandafî mamî, ro haponda nînî hoafîyo hoafîmbo sa heheamboayahî nda, se fîfîrîhimboanei sapo seana munguambo hîfînîndî ahînümbî hohoanîmo mengoro ra fîfîrîhi hehimbo wambo. Nindou ai yangîrî nünguambe yangîr-ane ahînümbî hohoanîmo ranai ahambo hîfandîrîrî arandî. Nga nindou

ai yifinduwanî, ahîñümbö hohoanîmo ranai ana ñgîrî asükaindo ahambo hîfandîndîrî.

² Mamî moatükunî yahurai-ane, nîmorehî mamî ai ahandî nindowenihî anüñgu ana, ahîñümbî hohoanîmo ranai ahambo ahandî nindowenihî ra-dîbo kîkîhîramîndoanî ai moanî ahandî nindowenihî-dîbo yangîrî nîñgomboane. Ñga asu ahandî nindowenihî ai yîfayu ana, asu ahîñümbî hohoanîmo nindowenihî ahandî ranî-dîbo kîkîhîmaramîndo ranai ranî hohoanîmo ranambeahîndî hîññgîreamboane.

³ Ahandî nindowenihî nüñguanî nindowenihî ñgorü-dîboefeyo ana, nîmorehî ranahambo nindowenihî bîrabîrîyo-randeimb-ane mbîsei. Ñga asu ahandî nindowenihî ranai yîfîyuwanî, nîmorehî ranai nindowenihî ñgorü aserîmîndo ana, ai nindowenihî bîrabîrîyohî-yopoanî, sapa ai ahîñümbî hohoanîmo menñgoro ranambeahîndî hîññgîre tükufe hayambo wambo.

⁴ Wandafî mamî, mare yahurai hohoanîmo-ane sîheimbo-so amboanî enñgorondürî. Seana Kraîs-babîdî nîboadeî hehî asu ranîmbo-hûnda ai-babîdî yîfîmayei nou. Ranînambo asu ahîñümbî hohoanîmo ranai sîheimbo moai kîkîhîra-mündündürî. Ranîmbo wambo asu se hapondanî ana nindowenihî ñgorü sahorîmîndeimbo nahurai-anei sapa God ai yîfîhündî botîmareir-ane sîhîrî aboedî hohoanîmo ra süñgufembohûnda.

⁵ Ñga horombo sîhîrî wamîndafî hohoanîmo ranambe nîmboefambeyo ahîñümbî hohoanîmo menñgoro ranai sîhefî findî moaruwai hohoanî hohoanîmo botîreamuna asu sîhîrî ranînambo

moaruwai hohoanimo ratüpurî aho ra rarîhu marîhundi. Asu hohoanimo ra yîfî hohoanimo yangîr-ane yare marandi.

⁶ Nga asu hapondanambe ana sîhîrî yîfîyefî mburîhumbo ahînümbî hohoanimo kîkîhamîndîmunî manînggo ranambeahîndî hînîngî-rîhumboanefî. Ranîmboane asu hapondanî ana sîhîrî moai wamîndafî ahînümbî hohoanimo sûrû paru masîhoemo ranî-sûngurîhu ratüpurîyefî, nga sîhîrî Yîfiafîndî-mayo sîmborî hohoanimo ranî-sûngurîhu ratüpurîyefî arîhundi.

Moaruwai hohoanimo ai sîhefîmbo moaruwaimbo-mareamunî

⁷ Asu ranîmbo sîhîrî nûngumambîsefa? Ahînümbî hohoanimo ra moaruwai hohoanîmoyo? Ranana ai wanî! Nga ahînümbî hohoanimo mengoro ranaiyo wambo moaruwai hohoanimo ranahambo hoafîyowohü nafuimendîra ro fîfîrîmarîheandî. Ranî-moatükunî ra yahurai-ane: Ahînümbî hohoanimo ranai hoafîyowohüya, se nindou ngoründî napo hohoanî-ndowamboyafî, hoafî ra nafuîyondîrîhü hoafîyondîrî-koatembembonana, asu ro ngîrî nindou ngoründî napo hohoanîfe hohoanimo ranahambo fîfîrîheandî.

⁸ Nga moaruwai hohoanimo ranaiyo ahînümbî hohoanimo hoafî ranî sûngu nafî ranahambo kokofoare semîndî haya asu ai wandî ngusüfoambe mamîkarambo hohoanîfeimbi hohoanimo ranahambo botîre marandi.

Ah+nümbi hohoanimo ranai yangorikoate-mbembonana, asu moaruwai hohoanimo ranai ngiri ngin+ndiyo.

⁹ Horombo ana ro ah+nümbi hohoanimo ra fifirifekoate-yahambe yangiri aboedi manimboahi. Nga asu ah+nümbi hohoanimo hoafi ranai tüküfihüyo wambo-so, moaruwai hohoanimo ranai yangiri botife maningowa asu ro yifiyambo nahuraimayahi.

¹⁰ Asu ah+nümbi hohoanimo ranai nindou yangiri n+ngombo hohoanimo saimbo ra nim+ndühiyo, nga asu ah+nümbi hohoanimo rani-süngu moai yangiri n+ngombo hohoanimo sai-randi, nga sihafi moaruwai hohoanimo süngu yifindafi yaho marandi.

¹¹ Nga moaruwai hohoanimo ranai ah+nümbi hohoanimo hoafi rani-süngu ahambo kokofoare masem+ndo ranahandamboyo hoafi ranai wambo yirimo-marandira asu ro rani-süngumar+heanda wambo moaruwai hohoanimo ranai hifokoa-mareandira ro yifiyambo nahuraimayahi.

¹² Nga asu ah+nümbi hohoanimo mengoro ranai ana God+ndi-mayo-ane. Asu ah+nümbi hohoanimo hoafi ranai-amboani God+ndi-mayo wambo mbumundiyo haya aboed-ane.

¹³ Nga asu ah+nümbi hohoanimo aboedi ranai wambo ramareandira ro yifiyahai? Ai ra wani! Nga moaruwai hohoanimo aboedi moatükuni süngu ramareandira yifimayahi. Asu raninambo moaruwai hohoanimo ai moaruwai ham+ndi moatükun-ane ra weindah+mefeyo. Ranimboane asu ah+nümbi hohoanimo rani-

süngu sihiṛi ndondiḥu fifiriṇdiḥumboane, moaruwai hohoanimo ranana ai munguna moaruwai hamindi moatükun-ane.

Moaruwai hohoanimo ai sihefi hohoanimo ranahambo kikihami-ndimboane

¹⁴ Sihiṛi fifiriḥundi, ahinümbi hohoanimo ranana Godindi moatükun-ane. Nga asu roana sümbuyo-randeimbi fiambeahindi nindou-anahi. Rananahi asu moaruwai hohoanimo ahandi hoarehi nimboamboyahi ahandi moani ratüpuruya-rihandeimbi-mayahi.

¹⁵ Roana ratüpurayahi ranahambo fifiriḥeandühi-yahi-poani, nga wani. Nga ro hohoanimo refembo yifirayahi ra moai rarihe rihandi. Nga hohoanimo yiboarukoayahi ra asu ro rarihe rihandühanahi.

¹⁶ Nine-moatükuni ro refembo yiboarukoayahi ra rawariheandi. Asu ro rarihe hoafiyahühüya, ahinümbi hohoanimo ranana anihondü aboed-ane sa arihandi.

¹⁷ Asu ro rani-moatükuni ratüpuruya arihandi ranana wandi-hoariyahipoani. Nga moaruwai hohoanimo wandi fiambe amaro ranai-ane moaruwai rani hohoanimoyo arandi.

¹⁸ Ro fifiriḥeamboanahi, wandi fiambe ana aboedi hohoanimo moai nimarö, sapo wandi wamindafi hohoanimo moaruwai ranambeahindi wamboanahi asahi. Nga ro aboedi hohoanimo ra refembo sa hehea hohoanimo-yahühanahisi, nga asu ro ngiri rani-moatükuni ra randiheandi.

¹⁹ Ro aboedi mbumundi ratüpurü refembo sahehea hohoanimoayahi ranana asu ro ngiri randiheandi. Nga asu nine moaruwai

fifanɨŋgarimbi hohoanimo ratüpurɨ ro refembo moei-asahɨ ranane rarɨhe arɨhandɨ.

²⁰ Ro moei saheimbi hohoanimo rawarɨheandɨ ana, ro wandɨhoarɨ-yahipoanɨ ranɨ-moatükunɨ ra rawarɨheandɨ, ŋga wanɨ. Nga sapo moaruwai hohoanimo wandɨ fiambe amaro ranai-ane wambo yaro yahoanɨ rawarɨheandɨ.

²¹ Ranane asu ro hoeirɨheandanɨ nɨne hohoanimo aboedɨ ra refembo sa heheamboyahanɨ, asu fifanɨŋgarimbi, moaruwai hohoanimo amaro ra aboedɨ hohoanimo ranahambo semɨndɨ gɨgɨranambore arandɨ.

²² Wandɨ hohoanimo ragu asaŋgoro ranai ana Godɨndɨ hohoanimo ranɨmbo yangɨr-ane süŋgufembo hohoanimoya habodarɨhandɨ.

²³ Nga asu ro hoeirɨheandanɨ hohoanimo ŋgorü wandɨ fiambe amaro asu ŋgorü hohoanimo ranai wandɨ fiambe ragu asaŋgoro ranɨdɨbo simborɨ-simborɨyafe arɨnandɨ. Ranane asu wandɨ fiambe moaruwai hohoanimo amaro ranahandɨ ratüpurɨ hohoanimo ranai wambo kɨkɨhamɨndɨndɨrɨ anɨŋgo.

²⁴ Roana hɨhɨfɨ-hɨhɨfɨkoate nindou hamɨnd-anahɨ! Nindou dɨdai wambo yɨfɨmbo hohoanimo ranambeahɨndɨ aboedambo-mandeandɨra?

²⁵ Godɨmbo hɨhɨfarɨhünɨ. Sɨhefɨ Adükarɨ Sisas Kraisɨndɨ süŋgu ai wambo aboedambo-ndeandɨrɨmbui! Asu ndanana moanɨ wandɨ hohoanimo-ane: Roana yangɨrɨ Godɨndɨ hohoanimo ranɨ hoarehɨ anɨmboahɨ, ŋga asu wandɨ wamɨndafɨ hohoanimo ranai moaruwai hohoanimo ranahandɨ hoarehɨ nɨŋgombo ahandɨ hohoanimo ratüpurɨyo ho arandɨ.

8

Yifiafi Aboedindi süngu yangiri ni ngombo hoafane nda

¹ Ranimboane asu haponda nindou didiyei Sisas Kraibabidi animboei aheimbo ana se hütiei, nga yifindeimboyei yaho papihofa ra moai yangoro, nga wani.

² Nga Kraibabidi süngu yangiri ni ngombo sai-randeimbi Yifiafi Aboedindi hohoanimo ranai wambo moaruwai hohoanimo-ane asu yifiyorambo hohoanimo-ane ranambeahindi hümarihendi ra aboedambo-meheandi.

³ Ahinümbi hohoanimo ranimbo fifirifembo rani-süngu sibir moai moaruwai hohoanimo ranahambo aboedambo-yahundi sapo wamindafi hohoanimo sihefi ra ngiri ahinümbi hohoanimo ra süngundi hündi, nga ranimbo wambo. Nga asu rani-moatükuni ra ahinümbi hohoanimo ranai ngiri randeandi, rani-moatükuni ana God ai ahandi hoariyu ramareandi. Sapo ai ahandi Nimori mamikoamarheira nindou sibir moaruwai hohoanimoyefeimbi sihefi fi himboyimbü tüküfi manüngu. Nimori ra moaruwai hohoanimo ahandi nginindi müngufembo-hündamboyu kusü yifimayu.

⁴ Mbumundi hohoanimo ahinümbi hohoanimo ranahambo hoafayo ranai sihefi fiambe tükümbifeyo-wamboane yahuhayamboyu ai rani-moatükuni ra ramareandi. Ranimbo-hündambo haponda nibe hoafi ahinümbi hohoanimo ranai mbumundi hohoanimo ranahambo hoafayo, ra sibir süngundi humboye fi. Sapo Yifiafi Aboedi ranahandi hohoanimo rasüngu hefi arihundi,

nga wamɨndafɨ hohoanɨmo sɨhefɨ flambe amaro ra moai sɨngurɨhundɨ.

⁵ Nindou dɨdɨyei wamɨndafɨ hohoanɨmo sɨngu ahahabodei ranai ana wamɨndafɨ hohoanɨmo ranahambo yangɨrɨ hohoanɨmo-yeihanei. Nga asu nindou dɨdɨyei Yifiafɨ Aboedɨndɨ hohoanɨmo sɨngu ahahabodei ranai ana Yifiafɨ Aboedɨndɨ moatükunɨ ranahambo yangɨrɨ hohoanɨmo-yeihanei.

⁶ Nindou ahandɨ hohoanɨmo wamɨndafɨ ranahambo yangɨrɨ hohoanɨmoayu ana, ai yifɨndɨmbui. Nga nindou Yifiafɨ Aboedɨndɨ hohoanɨmo ranahambo yangɨrɨ hohoanɨmoayu ana, yangɨrɨ nɨngombo hohoanɨmo asu ngusüfoambe afurɨfe kifeimbɨ hohoanɨmo ranɨ yangɨrɨ ndemündü nɨngumbui.

⁷ Nga nindou wamɨndafɨ hohoanɨmo sɨnguareandɨ ana, Godɨndɨ hürütümb-ani nɨmboe ai ahandɨ ahɨnɨmbɨ hohoanɨmo ranɨ hoarehɨ ngɨrɨ nɨngu.

⁸ Nindou dɨdɨyei ai ahei wamɨndafɨ hohoanɨmo ranahambo sɨngurɨhindühɨ ahahabodei ranai God ai refembo yifirayu ra ngɨrɨ randɨhindɨ.

⁹ Nga asu seana sɨhei wamɨndafɨ hohoanɨmo moai sɨngurɨhindɨ. Nga Godɨndɨ Yifiafɨ sɨhei flambe amaro ana, se Yifiafɨndɨ hohoanɨmo ra sɨngundɨhimboyei. Asu düdi ai Kraisɨndɨ Yifiafɨ ra ahandɨ flambe nɨmarɨndokoate-ayo ana, nindou ranai Kraisɨndɨyupoanɨ, nga wanɨ.

¹⁰ Nga Krais ai sɨhei flambe amaru ana, sɨhei fi ranana moaruwai hohoanɨmo ranɨmbohündambo yifɨndowohü sɨmbondɨmboesi, nga sɨhei yifiafɨ ranai ana yangɨrɨ aboedɨ nɨngomboe

sapo se Kraisiñdi süngu Godiñdi himboahü mbu-mundiyeihî wambo.

¹¹ Sapo God Sisasiñbo yifihündi botimariri ahandi Yifiafi ranai sihei fiambe amarondüri ana, asu mare God Kraisiñbo yifihündi botimariri ranai süngunambo ahandi Yifiafi rani-süngu sihei yifiyo-randeimbi fi ranahambo yangiriñdeambui.

Yifiafi Aboedi ai Godiñdi niñmorimbo-areamuni

¹² Nga ranimboane wandafi mamî, sihiri Yifiafi Aboediñdi hohoanimo ra süngundhumboane, nga sihefi wamindafi hohoanimo ai hoafemuni ra ngiri süngundihu ñgefi.

¹³ Nga se sihei wamindafi hohoanimo rani-süngu ahabodei ana, se yifindeimboyei. Nga asu se Yifiafi rani-süngu sihei fiambe moaruwai hohoanimo amaro ra hinñgarihindi ana, asu yangiri aboedi niñboeimboyei.

¹⁴ Nindou didiyei Godiñdi Yifiafi nafuiyandürani süngurihi arihündi ranai ana Godiñdi niñmor-anei.

¹⁵ Nga Yifiafi se masahümüñdi ranai moai siheimbo rareandüra se moani ratüpuriyehihündeimbi tüküyahindühi yihimboyei, nga wani. Nga se sapo Yifiafi siheimbo Godiñdi niñmorimbo reiranî masahümüñdi rani-süngu sihiri Godimbo Ape yihoeft Afindi sefuhanefti.

¹⁶ Yifiafi ranai-ane sihefi yifiafi-babidimbo sihefimbo ragu ñgusüfoambe weindahî yare hoafiyowohüya, Se Godiñdi niñmor-anei yaho arandi.

17 Asu sihiriri God ahandi nimirimboyahu aniboadehi ana, sungunambo sihefi Ape God ai ahandi nimirimbo ahandi aboedi moatükuni diboniyu sihai giginimayu ra ndahumindemboyefi. Asu sihiriri Krais-babidi tihirifombü moatükuni ai masemüdu nou asahumindehi ana, aboedi ndüreimbi nimarimbo moatükuni ai-babidimbo ndahumündemboyefi.

Sungunambo aboedi ndüreimbi nimarimbo moatükuni ndahuminde-mboyefi

18 Nga ro ranahamboanahi hohoanimoayahinda, haponda ndani simboa sihiriri tihirifo afindi tihirifoayefi habodehi ranana moanane. Nga Godindi aboedi ndüreimbi nimarimbo moatükuni sihefimbo weindahi tüküfemunimboayo ranana adükari hamind-ane.

19 Munguambo moatükuni God nafimarandi ranai tüküfe yangori himboyowohü ai ahandi nimirimbo weindahi tüküfemboayo si ra tükümbifeyowa yahohaya himboayo.

20 Hapondanambe ana sapo mungu-moatükuni God nafimarandi ranai moaruwaimbofe buriyombo sümboyorandühane. Rani-moatükuni refe arandi ra ahandihoari hohoanimo hayambo refe-randühiyopoani, nga God ai ahandihoari hüti rani-sungundaföandi mehuamboane refe arandi. Nga asu aboedi moatükuni ranahambo himbondohü yagodomboe.

21 Sungunambo God nafimarandi ranai sümbuyo-randeimbi hohoanimo kikihamindi aningo ranambeahindi aboedambo-ndeambui asu rani-simboani ai Godindi nimirimbondahi

tükündahi aboedi safi niŋgo ranambe keboehi nimboemboeyi.

22 Nga sihiri fifirihundi horombo peyo haya ho-hombo hapondanambe ana munġuambo moatükuni God nafimarandi ranai nimorehi nimori wakemindimbo hoafiferandühi amaro nahurai himboyohü enġoro.

23 Nga rani-moatükuni ra munġu Godindi warihü tükümeŋewambo rani yangiriyopoani, ŋga wani. God ai ahandi-mayo Yifiafi sapa ahandi weanġurühi moani saimbo moatükuni ŋgorü ra masemuni. Nga sihiri amboani kameihanefi raguambe ŋipoyefi habodefühi God ai sihefi fi ra ahandi nimorimboreamuni aboedambo-mbireamuni sefi hohu himboayefi habodefü.

24 Nga sihefi ranahambo anihondumbo asu himbombo hohoanimo ranimbo wambo God ai sihefimbo aboedambo-mareamuni. Nga asu nine moatükuni sihiri hoeirihundeimbi-mayo ranahambo tüküfeyoani hoeifembo sefi hohu himboayefi ana, rani himbo sihefi ra himbo hondüyopoani. Nga nindou didai hoeireandeimbi moatükuni ra tükündifeyoani hoendheambüsü haya himbomanda?

25 Nga asu sihiri nine-moatükuni hoeifekoateyefeimbi himboayefi ana, moani sihiri sisiakoate tükümbifeyowa mbisefi hohu hifandarihundi.

26 Mare yahurai-ane nindou sihiri ŋġinindi niŋgokoate-yefani Yifiafi ranai-amboani tüküfe farihemuni arandi. Sihiri moai wudipoapofe Godimbo didibafifembo fifirihundi, ŋga asu Yifiafi ranai ahandihoari sihefimbo farihemunühi

Godimbo didibafifemuni arandi ra ngiri weindahi hoafindo.

²⁷ Asu God, sapo nindou-yei ngusüfoambe hoeire-randeimbi-mayu, ranai Yifiafi ai hohoanimoyohü hoafimbo-mayo ranamboanififireandi. Nga Yifiafi ranai Godindi nindou ranaheimbohünda ahambo hoafiyondombo ahandi hohoanimo süngu yahohaya hohoanimoayo.

²⁸ Asu sihiri rarihu fifirihumboanefi, nindou didiyei ai God ahambo ngusüfo parihori arihündi ranaheimbo ana mungu-moatükuni tükifeyoani God ai rareandani aheimbohünda aboedi tükefeyo. Sapo ranaheimbo God ai ahandi hohoanimoyu masihendi süngu aheimbo mborai mehündüri.

²⁹ Nga nindou didiyei God ai aheimbo horombonambo fifimareandüri ranaheimbo amboani diboniyu hiningrimareandüri. Wandi nimorindi hohoanimo nahurai hondüre tükümbiyahindamboane asu ranahandi ana Nimori ranai nindou afindi ranahei amongo nimorimbofi mbünunguwamboane yahuhayamboyu ramareandi.

³⁰ Raniyu asu nindou didiyei God ai ahambohünda diboniyu hiningrimareandüri ranaheimbo amboani ahambo sowanambo hombo mborai mehündüri. Asu nindou daboe God ai mborai mehündüri ranaheimbo amboani aiana wandi himboahü nindou mbumund-anei mehündüri. Asu nindou didiyei aheimbo mbumund-anei mehündüri ranaheimbo ai ahandi himboamupuimbo-randeimbi ra masagadüri.

Godindî hîpoambo ai ngîrî hinîngîndeamunî

31 Rani-moatükunî ra God ai ramareandî ranahambo sîhîrî nûngumambîsefa? God ai sîhefîmbo yare yahurai farîhemunî arandî ra, asu nindou didî nîmorî ai sîhefîmbo moaruwaimbo-mandeamuna?

32 God ai moai ahandî Nîmorî ranahambo warambe kîkîhîrîmündu, ngâ ai munğuambo sîhefîmbohünda koamarîheira nîmî keimbî karîhendeimbîfihî yîfîmayu. Asu ai sîhefîmbo ahandî Nîmorî ra asemunî ana, asu ai bîdîfîrî munğu-moatükunî moanî ranîwamî nandeamunümbui.

33 God ai nindou wand-aneî yahundüreimbîhündî ranaheimbo ra, nindou didî dai hoafîmandündüra? God ai ahandîhoarî anîmbo aheimbo hoafîyundürühîya, ai wandî hîmboahü ana mbumund-aneî yahu arandî.

34 Asu nindou didî dai aheimbo papi-hoafîyondürîhî se hitîyeî asu ranîmbo-hündambo se asübusî afîndî ndahümündimboyeî hoafî ra hoafîmandündüra? Wanî. Krais Sisas sapo ai yîfîyu asu yîfîhündî yangîrî botîfî mbura Godindî hanğîfoanî anüngu, ai yangîr-ani sîhefîmbo farîhefemunîmbohünda Godîmbo hoafîyu arandî.

35 Ranane asu nindou didî dai sîhefîmbo Kraisîndî hîpoambofe hohoanîmo ranam-beahîndî yîkürübü-mandeamuna? Asu nîne tîngîrîfo tükündîfemunühane, asübusümbî hohoanîmo-ane, nindou ai moaruwaimbo-ndîhimunühane, wembombondefühane, safî yangîrîndefühane, nînî-moatükunî ai sîhefîmbo moaruwaimbo-femunîmbo yahohaya aho-

ane asu sihefimbo-so hifokoeffe moatükunî tükündifeyowohane, ranî-moatükunî ranai sihefimbo Kraisiñdî ñgusüfo pefe hohoanîmo ranambeahîndî yikürübü-mandeamuniyo? Wani.

³⁶ Anihond-ane, yahurai ranî-moatükunî sihefimbo tüküfearandî ra Buk Baibor ai ranahambo yare hoafiyowohü yahoya,

'Sihambo-hündamboanefî ro moaruwaiambe yifimbo yangîrî munquambo si ra hefi arihundî.

Roana sapo sipsip hifokoeffembo sei hehi rawehindî nahurai hîmboyefomboanefî,'
Buk Song 44:22

meho.

³⁷ Nga asu munquambo ranî-moatükunî sihefimbo tükefeyomunî ai daboadan-ane, nga sapo Nindou düdi ai sihefimbo ñgusüfo pamareamunî ranai ana farîhemunî randanî aboedi hamîndî harîhehu tüküyahundühanefî!

³⁸⁻³⁹ Nga Ro anihondümbö fîfirîheandî, ñgîrî nîni-moatükunî ai ahandî ñgusüfo pefe hohoanîmo ranambeahîndî yikürübü-ndeamunî: Yifî hohoanîmo-ane, yangîrî nîngo hohoanîmo-ane, Godîndî nend-anemo, sünambeahîndî bogor-anei, hifîñîndî bogor-anei, nîne-moatükunî haponda tükefeyo-ane, sünguna tüküfemboayo-ane, nîne-moatükunî nîmoamo anîngo-ane, asu nîne-moatükunî hifî hoarehî ragu engoro ranane. Nîne-moatükunî munquambo God ai nafîrandeimbîhündî ranai ñgîrî Godîndî ñgusüfo pefe hohoanîmo sihefi Adükari Sisas Kraisiñdî süngu ranambeahîndî

yikürübü-ndeamuni. Nga wani.

9

Por ai Israer imbo afindi hohoanimo-ayunduri

¹ Ro anihondümboanahi hoafayahi. Ro Kraisindi nindouya hehea ngiri ro tikai hoafindahi. Yifiafi Aboedi ai wandi ngusüfoambe hifandarandi asu wandi ngusüfoambe wandi hoafi ranahambo anihond-ane yahohane.

² Ro wandi mamisiri Sudahündi nindou ranaheimbo munguambo si aho ra ngusüfo afindi kürüheandühi afindi hamindi hohoanimo amarondiri.

³ God ai wambo moaruwaimbo-reandira asu Israer, wandi mamisiri hondü, ai anihondümbo-rihindeimbi nindoumboyahi tükümbeyahimbonana ra aboed-ane sa.

⁴ Raniyu God ai Israer ranaheimbo wandi nimir-anei yahuhaya asu ai ahandi himboamupuimbo-randeimbi moatükuni ra hoeimarihindi. Asu God ai hoafi firamündü masihendi ranane asu ahinümbi hohoanimo ranane ra masahümündi. Asu Godimbo ndofe hohoanimombo hohoanimo ranane asu God ai horombo hoafire masihendi hohoanimo ranane ai ra masahümündi.

⁵ Amoao mam horombo weangurühi maningomo ranai ana ahei amoao mam-anemo. Suda ahei srambeahiyu Kraisi ai nindoumbofi tüküfi manüngu. Ranani asu Kraisi ai mungu-moatükuni burayo ranahei mbroyu haya

hifandarandi. Aiana God hond-ani, nga ran+imbo-hündambo-an+imbo munḡuambo si aho ra ahambo Adükar-ani mb+sefomboane! An+hond-ane.

God ai ahandi nendi ranaheimbo wandanei ehündüri

⁶ Israer+hündi munḡuambo Israer+hündi hondüyeipoani. Nga God+indi horombo hoafi ra moai peyo, nga wani.

⁷ Abraham+indi ahuir+mami ranai ana munḡuambo ahandi ahuir hondüyeipoani. Nga sapo God ai Abraham+imbo yahuya, 'Aisak+indi ahuir+mami yang+r-an+imbo sihaf si+r+imbo-ndahimboyei,' mehundo.

⁸ Asu ranane nindou Abraham+indi ahuir+mami ranai munḡuamboyoipoani God+indi n+imori hond-ayei, nga nindou ai God+imbo horombo hoafi+re mas+hendi+hündi tükümehindi rananei ai Abraham+indi ahuir hond-ayei.

⁹ Nga God+indi horombo hoafi ranai ndare hoafi+mayo, 'Sapo ro hoafi+ya mas+heheandi rani+simboan-an+imbo ro asükainda tükündahendühi asu Abraham+indi n+imorehi Sara ai nindowenih n+imori nder+im+imboe,' meho.

¹⁰ Nga asu rani yang+r+iyopoani. Nga asu süngunambo Aisak+indi n+imorehi Rebekandi mboaf n+imori yimbu af+indi mami ranahandambo masep+r+im+indo. Nga ahafandi af+indi mami aiana Aisak sapo sihefi+ amoao-ani.

¹¹⁻¹² N+imori yimbu tüküfekoate-yafandambe God ai n+imori mami ranahambo di+bon+imayundo moani ahandi hohoan+monambo yang+r+ham+ind-ane. Sapo God+indi nindoumbo di+bon+imayu hohoan+imo ra nindou n+ine

rareanda tükifemboyopoani, nga God ai ahandihoariyu nindoumbo kafoariri hiniŋgiri arandi. Ranimboane asu nimori yimbu ranai tükufe nine ratüpurü aboediyo moaruwaiyo ra refekoate-yafandambeyu, God ai Rebekambo hoafiyundühi yahuya, 'Amoŋgo nimori ai akidandi hoarehi mbünüguwamboane,' mehu.

¹³ Rahurai God ai 'Sekopimbo ŋgusüfo pamarihini, nga Isombo yi boaruko-marihini,' mehu hoafi ra Bukambe yare hoafimayo.

¹⁴ Asu ranimbo sihiri nüngumambisefa? God aiana moai ndore ratüpurüyu-randi mambisefiyo? Ŋgiri ra-mbisefi, nga wani.

¹⁵ Ai Mosesimbo yare hoafiyundowohü yahuya,

'Nindou daboe ro wandi hohoanimonambo ahambo amboawi yahando-mboayahana, asu ro amboawi mbisahandomboyahi.

Asu nindou daboe ro wandi hohoanimonambo hipoambo-fimboayahana, ro hipoambo-ndihinimboyahi,' *Kisim Bek 33:19*

yahu hoafimeindo.

¹⁶ Ranahandamboane God ai nindou dibonayu ra nine-moatükuni nindou ai hohoanimoayune asu rawareandi ranane rani hohoanimo sünguyopoani, nga Godindi hipoambofe hohoanimo raninamboane dibonayu.

¹⁷ Nga Bukambe hoafi ranai God ai Isip-yafe nindou bogori Ferombo hoafimeindo ra yare hoafiyowohü yahoya, 'Ro wandi ŋginindi ra muŋguambo nindou ranaheimbo

nafuindahürani asu wandı ndüri rana-hambo munḡuambo hifi ndanihü bokari-mbirihhind-amboane samboanahi. Ranimbo-hündamboane ro sihambo bogorimbo-riheanini hininḡaritheanini,' meho.

¹⁸ Asu ranimboane sihiri fifirihundi God ai moani ahandi hohoanimonambo yanḡiri nindou daboe amboawi yahuhani, asu nindou daboe ahambo afindi-afindeimbi tükümbifiyu-wamboane yahuhaya ranahambo randeandani afindi-afindeimbi tükündifimbui.

Godindi ḡḡinindi hohoanimo asu hiḡoambofo hohoanimo

¹⁹ Ranimbo-animbo nindou mamı se hoafindafirühi animboya, asu refe ana, nimboe God ai nindou moaruwai hohoanimoyei arihündi ranaheimbo ai hüti-anei mambüsa? Nindou didai Godindi yifiri ranahambo daboadi hihirimandihinda?

²⁰ Nḡa nindou se dideyafi se ra Godimbo afindi-afindeimbi yahurai hoafi-mandafindoyo? Wambüri ai nindou düdi sapo wambüri sümarandi ranahamboya, 'Se nimboe wambo ndaro sümarandiri?' mambisiyo.

²¹ Nindou düdi süra-randeimbi ranai purükini ra kandamündühi moani ahandi hohoanimonambo purükini mamı ranahand-ambohündi wambüri yimbu sündapirimbui. Rananimbo asu wambüri yimbu ra ḡgorü aboedi safi ahandi hohoanireandeimbi ra raranı hoafühi sesi ranambe raraofe rambohünda ndonde diḡembui. Nḡa asu ḡgorü moani yahuri ḡgoahuri nahurai ra moanındühi yafisühumı ranambe raraofe-rambohünda diḡembui.

22 Mare yahurai God ai ahandi hürütü hohoanimo ra weindahi nafuimbo yahuhayambo asu ai munguambo nindou ahandi nginindi ranahambo fifiri+mbiri+hindamboane yahuhayambo hohoanimoayusi. Nga asu awi ai nindou nginindayundüri ranaheimbo afuri gedühi hifandarandüri. Nga nindou ranaheimbo moaruwaimbo-fendüri+mböhündambo nafimara-mündindüri.

23 Asu God ai nindou munguambo ahandi himboamupuimbo-randeimbi ra nafuimbohündambo afuri gedühi hifandarandüri. Nindou daboe ai hipoamboareandüri ranaheimbo ahandi himboamupuimbo-randeimbi ra segudüri+mbonyahumboani. Ai ahandi himboamupuimbo-randeimbi moatükuniri ra semindimbohünda nafimara-mündindüri.

24 Sihiri amboa, God ai sihefimbo diboniyuhü mborai mehumuniri. Sudahündi ranaheimbo yangiri+poaniri, nga nindou ngorü sirihündi ranaheimbo kameihiri mborai mehündüri.

25 God ai Hoseandi Buk ranambe ai ndare hoafiyuhü yahuya,

“Nindou didiyei wandi nendiyeipoaniri,
ranaheimbo ana wandi nend-anei mbisahan-
düri+mboyahiri.

Nindou daboe ro ngusüfo pefekoate-ayahiri,
ranaheimbo ro ngusüfo pandi-
hearümboyahiri. *Hosea*
2:23

26 Asu niniri hifihündi-yei ranaheimbo hoafiyahündürühi seiya, ‘Ai ana Godindiri nendiyeipoaniri,’ masei,

nga hifi ranih-animbo nindou ranaheimboya 'God yangiri nungu-randeimbi ranahandi nimor-anei,' mbiseimboyei," *Hosea 1:10*

Hosea ra mehu.

²⁷ Asu Aisaia ai Israer ranaheimbo yare hoafiyuhü yahuya,

'Nindou Israerihündi ai himonindi gudi kikiri afindi nahurai afindiyeisi,

nga asu moani yimbu mam yangir-animbo aboedambo-ndahimboyei.

²⁸ Nga Adükari ai ngiri afindi hoafindu,

nga nindou munquambo hifihü aniboadei ranaheimbo nimai papi-hoafindandürihi ahei moaruwai hohoanimo ranimbohünda munguna ran takini tiriifo dagadürimbui,' *Aisaia 10:22-23*

mehu.

²⁹ Horombo Aisaia ranahambo amboani yare hoafiyuhü yahuya,

'Adükari Munquambo Nginindeimbi ranai sihefi amoao mam bidifiri ranaheimbo hiningifendüri-koatembei-mbonana,

sihiri Sodomihündi nahurai tüküyahundühumbo

asu Gomorahündi nahurai nimboefi,' *Aisaia 1:9*

mehu.

³⁰ Asu sihiri nungumambisefa? Ranimoatükun ranana ndahurai ane: Sudayafe ndifo sapo tiriifoyokoate moani mbumundi hohoanimo süngufemboaye ranai ana nindou mbumundi Godindi himboahü tükümehindi. Sapu mbumundi hohoanimo

ranaiyo anihondümbofe rani-süngu tüküfe arandı.

³¹ Nga asu Sudahündi sapo tñirifoyowohü mbumundi hohoanimo Godindi himboahü semindimbo ahinümbi hohoanimo yangiri süngufembo rani-süngu ana moai mbumundi nindou Godindi himboahü tüküyahindi.

³² Nimboe sapa ai anihondümbofe hohoanimo rani-süngu mbumundi hohoanimo ra semindimbo moai hohoanimoyei, nga want. Nga ai ahei moani ratüpuriri rani-süngu yangiriyo mbumundi hohoanimo ra semindimbo hohoanimoayei. Nimoei tñarühi bemareandi raninambo bendeirani bübürindei ñgei pñdeimboyei.

³³ Bukambe ranahambo yare hoafiyowohüya, 'Hoeirühi, ro Saion wafuambe Serusarem ñgoafihü nimoei masihhini, nga ranai-animbo nindou ranaheimbo bendeirani bübürindeimboyei, nimoei yitifo rananimbo aheimbo randeirani ai pñdeimboyei.

Nga asu nindou düdi ai ahambo anihondümboariri ana, nindou ranai ñgiri amoanñgi-ndu,' *Aisaia 8:14; 28:16* mehu.

10

Israer ai moai Godindi-mayo mbumundi hohoanimo ra sahümündi

¹ Wandafü mamü, ro ñgusüfoambe wandü nindou Israer ranai aboedambo-mbeahindi samboanahi hohoanimoayahü! Ranimboanahi

ro aheimbohünda Godimbo didibafiyahando arihandi.

² Nga ro aheimbo ndorthe fifirthe heheamboanahi hoafayahi, ai ana awi Godindi hohoanimo rani yangiri süngufemboanei ngusüfo pararihindi. Nga ahei ngusüfo pefembo hohoanimo ra anihondü süngupoani.

³ Aiana moai ndorhi fifirihindi God ai nindumbo mbumund-anei yahu hohoanimoayu ranana, nga aiana aheipoanimo mbumundi tükufe hohoanimo-ane süngurhi arihündi. Ranane asu God ai nindou mbumundi hohoanimo hinngimareandi ra moai sahümündi.

⁴ Nga shiri fifirarihundi, nindou anihondumbo-arihori ana, ranaheimbo ndeara Kraisi ahinümbi hohoanimo süngufe ho ra moendimareandi. Ranimoane asu nindou ai anihondumbo-arihori ana, ai Godindi himboahü mbumund-anei.

⁵ Moses ai nindou ahinümbi hohoanimo rasüngu mbumundi nindou tükufemboayo ranahambo sürü pare masihendi. Ai yahuya, 'Nindou düdi ai ahinümbi hohoanimo mengoro mungu rani-süngure huhü rananimo ai yangiri gedühi nüngumbui,' mehu.

⁶ Nga asu nindou ai Godimbo anihondumbofiwani asu God ai nindou ranahambo seana mbumund-anafi yahu arandi. Mbumundi tükufe hohoanimo ranana ndahuriane. Se ngiri randhi hohoanimondeihya, 'Nindou didai sünambe magafua?' mbisei. Hoafi ranahandi nimindi ra 'Didai sünambe gafu Kraisi shefimbo nderümündü makuda?'

7 Asu se ngiri randihi hohoanimondeihiya, 'Nindou didai hifini yifambe ranambe magada?' mbisei. Hoafi ranahandi nimindi ra 'Didai gadu honguambeahindi Krais nderumundu madufua?'

8 Nga mbumundi tukufembo hohoanimo hoafi ra ndahurai-ane: 'Hoafi ranana akimi sifafi fikim-ane, sifafi yafambe hoeari raniwami engoro asu sifafi ngusüfo ranambe.' Sapo anihondumbofe hohoanimo hoafi ranane ro bokarthehu arihundi ra.

9 Se sifafi yafambenambo weindahi yaro hoafiyafihüya, 'Sisas ai wandi Adükar-ani,' safi mbura, asu sifafi ngusüfo ranambo God sapo Sisasimbo yifihündi botimariri ranahambo anihondumbo-arowandi ana, se aboedambo-ndafoamboyafi.

10 Nga sifafi ngusüfoambe anihondumbo-riwandani God ai nindou mbumund-anafi yahuhaya asu sifafi yafambe ranambo weindahi hoafiyafani God ai aboedambo-ndeaninimbui.

11 Bukambe hoafi ranai hoafiyowohü yahoya, 'Nindou düdi ahambo anihondumbo-ariri ana, nindou ranai ngiri amoanngindu,' meho.

12 Suda-anei asu Suda-yafe ndifo rananei ranai ngörü-poanimbo ngörü-poanimbo-yahimboyeipoani, nga nindou Godindi himboahü mam si simogodi yangir-anei. God aiana munquambo nindou ranahei Adükar-ani. Asu nindou munquambo didiyei ai ahamboya farihawandüri sei arihündi ranaheimbo aboedi-aboedi-reandüri arandi.

13 Ranimboyo Bukambe yare hoafiyowohüya, 'Munquambo nindou ai Adükarimboya

farihawandürî sei hoafiyei arîhündî ana, ai aboedambo-ndahimboyei,' meho.

14 Nga asu nindou ranai anîhondümbofe-koatendeihî ana, ngîrî ahambo hoafîndahündo. Asu ai hoafi ranahambo himborîkoate-ndeihi ana, ngîrî ahambo anîhondümbo-ndîhorî. Nindou ranai hoafi ra bokari-hefekoate-ndîmondanî asu ai ngîrî himborîndei.

15 Asu nindou koehefepura hokoate-ayomo ana, ai ngîrî bokandîhoundî. Nga Bukambe yare hoafi yowohü yahoya, 'Nindou aboedî hoafi sahümündî asînei ra aboedî safane,' meho.

Israer ai moai aboedî hoafi ranahambo sahümündihü süngurîhindî

16 Nga asu Suda yimbu-mamî yangîrî ai aboedî hoafi ranahambo sahümündî süngurîhimboanei. Nga Aisaia ai yare hoafi yuhü yahuya, 'Adükari, nindou ai yihoefî-mayo hoafi ra moai anîhondümbo-rîhindî,' mehu.

17 Nga ranî-moatükunî ra ndahurai-ane: aboedî hoafi ra himborîyeihîyei asu anîhondümbofe tüküme feyo. Asu Krais ranahambo hoafi bokarîhefembo aboedî hoafi ra himborîyeihanei.

18 Nga asu haponda ro düdueheandî, Anîhondüyo Suda ai Godîndî hoafi ra himborîkoate-mayeî? Wanî. Hoafi ra ai anîhondü himborîmayeîsî. Nga Bukambe yare hoafi yowohü yahoya,

'Muŋgu-moatükunî God ai nafîmarandî rana-handî hoafi ra muŋguambo hîfî ranîhü ho tüküme feyo,

ahei hoafi munḡuambo hifi kaiyowohü ho
tüküme feyo,' *Buk Song 19:4*

mehu.

¹⁹ Asükaiya ro düdueheandi, Awi Israer ai moai
fifiri+hindiyo? Ai fifiri+mar+hindi. God ai
Moses+ndi süngure hoafiyuhü yahuya,

'Ro Suda-yafe ndifo ai mam+ ran+ni-
poediyefipoan+ ranaheimbo
fandiheheiran+,

asu Israer se ḡusüfoambe moaruwai-
ndeimboyei.

Ro Suda-yafe ndifo ai fifiri+fekoate-yeimb+ rana-
heimbo fandihehe-andüran+,

asu Israer se ḡusüfoambe ḡgin+ndi-
ndeimboyei,' *Io*

32:21

mehu.

²⁰ Asu süḡgunambo Aisaia ana ai moai hoafimbo
yihimboyu, ḡga God ai ahandi süngure yare
hoafiyuhü yahuya,

'Nindou wambo kokoendiri+koate-mayei ran+yei
wambo hoeimar+hindiri.

Roana nindou wambo hohoan+moyokoate-
mayei ranaheimbo sowah+ weindah+
tükümeheandi,' *Aisaia 65:1*

mehu.

²¹ ḡga asu Israer+imbo ai yare hoafiyuhü yahuya,

'Ro n+mbi-n+mbisi nindou hoafi mbah+ri+he-
hindeimb+ asu himbori+koate-yeimb+

ranaheimbo wandi war+ kiki+hiri+ha-
m+nd+ndür+ ar+handi ai-bab+di aboedi-
aboedi+fembohünda,' *Aisaia*

65:2

mehu.

11

God ai Israer bidifirambo hipoambo-mareandüri

¹ Ranimboanahi asu ro rarihe düdueheandi nda, Asu God ai ahandi nindou Sudahündi munḡuambo daboadanambo-mbareandüriyo asu wanimbeiyo? Wani! Ro Por amboani Sudahünd-anahi. Ro Abrahamindi ahuir-anahi asu Bensaminindi sirambeahind-anahi.

² God ai ahandi nendi Sudahündi tüküfekoate-yeiambeahi fifireandürühi wand-anei mehu ranaheimbo ana moai daboadanambo-reandüri, ḡga wani. Asu se hoafi Erasai ai Sudambo papi-hoafirandürühi yare Godimbo didibafimefiyu ra fifirihindai? Ai Godimbo yare didibafindowohü yahuya,

³ 'Adükari, aiyomo nindou sihafi hoafi hoafiyomo-rundeimbi ahamumbo munḡu hifokoamarüpurü. Asu ai sihambo sesi sihefe didibafiferambo fondi ra birimafoarundi. ḡga ro mamiyangir-anahi animboahi. Asu ai wambo hifokoefendirimbo mehomo,' mehu.

⁴ ḡga asu God ai ahambo asükaiyu nḡngure simbori hoafiyundoa? Ai hoafiyundühi yahuya, 'Ro 7,000 nindou wandambofimbisahapurimindi animboahi ai tikai god Ber ahambo yiri yimbu pusifekoate-mayei,' mehu.

⁵ Raurai-ane hapondani amboani nindou yimbu-mami God ai ahandi moani hipoambofe ranambo dibonimayuwa aniboadei.

⁶ God ai aheimbo moani hipoamboreandürühi dibonimayundürü, ḡga ai nḡne ratüpurimayei ranimbohünda diboniyu-ndürimboyupoani.

Nga nindou ranai ranî ratüpurîyeiani God ai dîbonî-mbeyundürî-mbonana, asu ngîrî moanî hîpoambofe ra moanî hîpoambofe hondü tüküfeyo.

⁷ Asu ranîmbo-hünda sîhîrî nüngumambîsefa? Ranî-moatükunî ranahambo Israer ai hüti kokomarîhündî ra asu ai moai sahümündi. Nga nindou bîdîfirî God ai dîbonîmayundürî ranai yangîrîyei ranî-moatükunî ra masahümündi, nga asu bîdîfirî ranai hîmbotühüfo papîmareandürî Baibor yare hoafîmayo nou.

⁸ Ai yare hoafîyowohü yahoya,
 ‘God ai aheimbo ramareandüra moai ngusüfoambe hohoanîmo purîhümündi.
 Asu ahei hîmboarînambo ngîrî hoeindîhindî
 asu ahei hîmboambenambo ngîrî hîmborîndei,
 nga yare nîngo hombo hapondanambe tükefeyo,’
Io 29:4; Aisaia 29:10
 meho.

⁹ Defit ai hoafîyuhü yahuya,
 ‘Nindou aiana sesesî-ndeiani kinî tîfîngambe ahanei nou mbîhaneia asahî.
 Asu ahei hohoanîmo moaruwai ranî-süngumbo nîmoeifîhî pîmbeyeia asahî.

¹⁰ Ahei hîmboarî amboanî dikîreandürîhîmbo asu ai hoeifekoate-mbeyei-amboane.
 Asu se aheimbo daboahamîndî pupurügurîhi hehi yahurai koadürümbo-koadürümbo, rarîhi mbînimboeia samboanahî,’
Buk Song 69:22-23
 mehu.

God ai Suda-yafe ndîfo masemündündürî

11 Ran+imboane asu ro haponda düdueheand+nda, Sapo Suda ai bübür+mayei peyehü muṅguna moaruwaimbo-reandür+imboyo? Ai ra wanana! Nga sapo ai moaruwai hohoan+mo-mayeiamboyu asu God ai Suda-yafe ndifo ranaheimbo ṅgusüfoambe gar+bi-mbir+hindür-amboane yahuhayamboyu ahei ndifo ranaheimbo aboedambo-mareandür+.

12 Suda ai moaruwai hohoan+mo süngu-mar+hündamboyu asu God ai nindou muṅguambo ranaheimbo d+id+boado-mareandür+. Ai God+imbo daboadanambo-mar+horamboyu asu God ai ahei ndifo ranaheimbo mafar+hendür+. Ran+imboane asu muṅguambo Suda ai God sowana asükai gugur+indahindani an+imbo nindou muṅgu ai aboedi ham+indi hondü n+imandeimboyei.

13 Suda-yafe ndifo siheimbo haponda ro hoafe-handür+ nda. Siheimbohünda God ai wambo ahandi hoafi saham+indi har+handeimb+ kamafoareandiri. Ran+imboanahi asu ro ndani ratüpur+ nda ranahambo bor+yahühi yifirayahi.

14 Ranan+imbo asu wandi nendi ranai God ahei ndifo afar+hendür+ ra hoeind+hindüh+imbo ran+imbo ṅgusüfoambe gar+b+nd+himboyei. Ranan+imbo asu ro b+id+fi+rambo fand+heirani asu ai Ape sowana ṅgeiani aboedambo-ndearümbui.

15 God ai Sudambo daboadanambo-mareandür+ asu ahei ndifo ranaheimbo ṅgunind+imbo-mareandür+. God ai Sudambo asükai asemündündür+ ana, ra nüṅgumand+fea? Ai nindou yif+hündi botefeyo nahurai-ane!

16 Bret mam+ ranahandambo b+id+fi+r+ kemünd+ God+imbo asayo ana, asu bret yi+poate muṅgu ra

ahandi yangir-anendo. Asu nımı ahari mamı ranahandi ahambo asegodo ana, asu dūdūdū ranamboani ahandi yangir-anendo.

17 Orif nımı hıfıfehündı ranahandambo dūdūdū bıdıfırı ai tıtaboarı-hendühiyu asu nımambeahındı orif nımı dūdūdū ranai ranıfıhı papımareandı. Suda-yafe ndıfo seana nımambeahındı orif nımı nahurai-anei. Ranane asu haponda se aboedı emündü momorıyeihı Sudayei-mayo yangırı nıngombo hohoanımo ra hoe nahurai asahümündi.

18 Ranıambo-hündambo-anıambo asu Suda orif dūdūdū nou tıtaboarı-mefoehındı ranaheimbo se yıboaruko-ndıhindürımboyei. Nüngundahi borımandeia? Seana moanı dūdūdū yangır-anei, nga seana nımı ahari ranahambo tüpürıhindühiyeipoanı. Nga nımı ahari ranane sıheimbo tüpareandı.

19 Nga seanıambo hoafındeihiya, Yinı, nga sapo dūdūdū ranai tıtaboarı-foarındühiyo asu yıhoefıambo ranı fondühiımo fondı hıningımareamun-ane, mbısei.

20 Yinı, ranana anıhond-ane. Ai tıtaboarı-mefoehındı ra Godıambo anıhondümbkofekoatewamboyei ramehindı, nga asu seana ranıhü rarıhi anıamboei ra anıhondüambo-rıhi hehimbowamboyei ahei fondühi anıamboei. Nga asu se ranahambo afındı-afındeihi sıheihoarıımo borındeımboyei, nga awi yıhımbondei.

21 Suda ai dūdūdū hond-anei, nga God ai aheimbo moai nımındühi hıningırearü, nga tıtaboarı-mafoareandı. Nga se hıbadıhündı. Se dūdūdū hondüyeipoanı, nga God ai sıheimbo amboanı nımındühi ngırı hıningındearü, nga

títaboari-boadeandür+mbui.

²² God+ndi h+poambo hohoan+mo asu ng+in+ndi hohoan+mo ra s+hi+ri d+boadond+hu f+fi+r+ndi+humboane. Nindou ahandi hoafi h+imbor+yeisi, nga h+n+ng+imar+hindi ranaheimbo ng+in+ndi-ndarümbui. Nga asu se Suda-yafe ndifo ahandi h+poambofe hohoan+mo ran+süngu ahei ana, asu ai s+heimbo h+poambo-ndearümbui. Nga se-amboani ahandi hohoan+mo ran+süngu hokoate-ayei ana, rand+hi títaboari-boegimboyei.

²³ Suda ai an+hondumbo-ar+hindi ana, God ai asukai aheimbo n+m+nd+hü pap+ndearümbui. God ai yifirayu ana, asukai aheimbo koadürü n+m+nd+hü pap+nde h+n+ng+ndeandür+mbui.

²⁴ Suda-yafe ndifo se-amboani n+mambeah+ndi orif düd+dü-aneisi, nga asu aboedi orif n+m+ndi ran+fih+ pap+r+himboanei, nga ranahandi hondüyopoa+. Suda-anei ai h+f+fehündi orif n+m+ndi hond-ayei. Ran+imboane asu aheimbo ana God ai düd+dü hondü títaboari-mefoendi ra semündü asukaiyu koadürü n+m+ndi hondüfih+ papareandür+ ana, ai asukai aboedi ham+ndi ran+fih+ pen+boadeimboyei.

*God ai nindou munquambo
h+poamboareandür+*

²⁵ Wandafi mam+, d+boh+ndi hoafi ran+imboanahi se f+fi+r+mb+r+hinda sahehea. Se s+heihoar+ rand+hi hohoan+mondeih+ hoaf+ndeihiya, 'Roana f+fi+r+hu hohoan+mo-yefeimb-aneft,' mb+seimboyei saheheam-boanahi. Hoafi nda yahurai-ane, Israer bid+fi+ri ana hoafi h+imbor+koate-yeimb-anei. Ran+ hohoan+mo ranana ahei ngusüfoambe

nɪmandündürɪ ɲgo-ɲgombo asu Suda-yafe ndɪfo nūngunūmbɪyei God ai dɪbonɪmayundürɪ ranai fondɪ ra sɪmonɲori-ndamɪndɪmboe.

²⁶ Ranɪ süngumbo-anɪmbo God ai Israer aheimbo aboedambo-ndearümbui. Buk Baibor ai yare hoafɪyowohü yahoya,

‘Aboedambore-randeimbɪ ai Serusaremɪ-nɪpoedɪ kudü Sekopɪndɪ ahuirɪ Suda ranaheimbo randeandüranɪ,
ahei Godɪmbo hohoanɪmo-koate hohoanɪmo hɪnɪɲgɪndɪhi-mboyei.

²⁷ Rananɪmbo ro ahei hohoanɪmo moaruwai ra gogorɪndɪ-heheandühɪ
ranɪ-sɪmboan-anɪmbo ai-babɪdɪ hoafɪ femɪndɪ sɪhefe ra randɪhea-mboyahɪ,’
Aisaia 59:20-21

meho.

²⁸ Nga Suda ai aboedɪ hoafɪ hɪmborɪkoate-mayei ranɪmboane asu God ai Suda-yafe ndɪfo sɪheimbo fehefemböhündambo hohoanɪmomayu ranɪyo asu Suda ai ahandɪ hürütimb-anei. Nga God ai Sudambo dɪbonɪmendürɪ ranɪmboane asu ai ahandɪ horombo hoafɪmareandɪ Suda-yafe amoaombo ranahamumbo hohoanɪmoyuhü aheimbo ɲgusüfo pareandürɪ arandɪ.

²⁹ Nga asu nindou God ai aheimbo aboedɪ moatükunɪ masagadürɪ asu dɪbonɪmendürɪ ranaheimbo ɲgɪrɪ hohoanɪmo ɲgorü-süngundeandɪ, ɲga wantɪ.

³⁰ Horombo se Godɪndɪ hoafɪ hɪmborɪkoate-mayei, ɲga hapoana God ai sɪheimbo hɪpoamboareandürɪ, Suda ai Godɪndɪ hoafɪ hɪmborɪkoate-mayei ranɪmbo-hündambo.

31 Asu hapoana God ai siheimbo hipoambo-mareandüri ranimboane asu Suda ai Godindi hoafi himborikoate-mayei. Ranimoatükunü tüküme Feyondürü ra God ai aheimbo hipoambofendürimbo-hündamboyo.

32 God ai nindou muṅguambo aheimbo hipoambofendürimbo yahuhaya ranıyo asu nindou muṅguambo ahei himborikoate hohoanimo ranına bobohıramündürü hinıṅgımarearü.

God adükar-ani mbıseiamboane

33 Godindi ṅgasündeandeimbi hohoanimo ra adükarı hamınd-ane!

Ahandı aboedı hohoanimo asu fıfırıfe ra hoandarı saf-ane!

Nindou didai ahandı hohoanımoyuhü hoafayu ra fıfırınde hoafımanda?

Asu didai Godindi nafı muṅguambo ra fıfırımandea?

Godindi hoafi hoafıyohü yahoya,

34 'Didı Adükarınde hohoanımoambe amaro ra fıfıreamboayua?

Didı nindou ai ahambo ratüpurıambo rasüṅguro rasüṅguro-meyundoa?

35 Nindou düdi Godıambo nınımoatükunıyo masagado,

asükai ai süṅgunambo ahambo hıhırıfe segodıambo-hündambo?' *Aisaia 40:13*

meho.

36 Muṅgu-moatükunü ra God ai ahandıhoarı nafımarand-ane asu ahandı ṅgınındınamboane anıṅgo asu ahand-ane. Muṅguambo si Godıambo adükar-ani mbıseiamboane. Nıga anıhond-ane.

12

Sihefi fi ra Godimbo ndahundimboane

¹ Wandafi mamî, Godîndî-mayo hîpoambofe hohoanîmo adûkarî ranîmbo-hündamboane ro siheimbo hoafehandürî nda. Sihei fi yangîrî nîngoambe ra se moanî Godimbo ndahündo ahambo sesi asihéfeyo nou. Se ahandî yangîrîndeian-anîmbo asu God ai ranîmbo hîhîfî-hîhîfîndümbui. Se randîhindüh-anîmbo wudîpoapondîhi Godimbo hohoanîmondahündo.

² Se hîfî ndanîhündambo hohoanîmo süngundîhimboyei, nga sihei hohoanîmoambe simborî hohoanîmo süngundîhindî. Rananîmbo God ai hohoanîmoayu ra se ndondîhi fifîndîhi mbundîhü rasüngundîhimboyei. Nîni-moatükunî ai aboedayo asu nîne ai yifirayu asu nîne ai aboedî ndorîhoeimbi hamîndî hondayo ra se fifîndîhimboyei.

God ai sihefîmbo hohoanîmo moanî masendî ranambo ratüpurîndefîmboane

³ Nga God ai wambo ahandî-mayo moanî hîpoambofe hohoanîmo masendî ranîmbo munquambo siheimbo ro bîdîfirî hoafi hoafînda samboanahî. Se siheihoarî sihei fi ranahambo yangîrî afîndî hohoanîmo-ndeimboyei, nga wanî. Nga God ai siheimbo anîhondümbofe hohoanîmo masagadürî ranî simongorühî safî sihei fi ranahambo ndondîhi hohoanîmondei.

⁴ Sîhirî ana fi mamamî ranîfîhî afîndî moatükunî ngorü-poanî ngorü-poanî fi ra hîfoareamboane. Ranane asu ngorü-poanî

ngorü-poanimo fi ranai ahandi ngorü-poani ngorü-poanimo ratupuri mbengori.

⁵ Rahurai-mayowamboane asu shiri nindou afind-aneysi, nga asu Sisas Kraisindi finambo ana shiri fi mam rananefti. Ranimoane asu shiri ana nindou ngorü-ngorü ra shiri mam wandafi mam yangir-anefti fi mam ranifih.

⁶ God ai shefimo moani hipoambo-reamunühyu asu ai nindou mamami shefimo rani-poanimo rani-poanimo fifirife moani masemuni. Godindi hoafi hoafimbohünda nindoubo ratupuri ra segodoa asemüdu ana, sapo anihondümbofe hohoanimo ai asemüdu rani-süngu animbo hoafendomboane.

⁷ Düdi ai farihembo ratupuri ra asemüdu ana, ai ndonde mbifari-hendamboane. Asu yamundifembo ratupuri ra asemüdu ana, ndonde yamundi-mbireandamboane.

⁸ Nindou mam ai ngusüfoambe kikimofeendürimbo ratupuri ra asemüdu ana, asu ngusüfoambe kikimombifoareandüramboane. Nindou düdi ai nini-moatükuni napoyo masihendi ra nindou bodimondambo yibobofe saimbo ratupuri asemüdu ana, ai afindi saimbo nimbonindu. Nindou düdi bogorimbofe ningombo ratupuri ra asemüdu ana, ai ratupuri ra tñirifombiyuwamboane. Düdi ai hipoambofe ratupuri asemüdu ana, ai moani hihifi-hihifinambo nindou ngorumbo mbifari-heiramboane.

Wandafi mamimbo aboedi hohoanimoyondo hohoanimo

9 Nindou ŋgorümbo anihondümbo ŋgusüfo pandihindi. Nine-moatükunî moaruwai-ayo ranahambo yiboaruko-ndihindi. Nine-moatükunî aboedayo ranahambo kikihi-safindihümündi.

10 Se muŋguambo simborî hohoanîmurîndei se sihei fikimîndimbo hohoanîmoayei nou. Asu nindou amurî ranaheimbo wambo ŋgasündihindireimbanei mbisei hohoanîmondei.

11 Afindî tîŋambombü ratüpurîmbo hohoanîmondei, ŋga asu se yiboaruko-yiboaruko-ndeimboyei. Se ratüpurayei ra Adükarîmbohünda ratüpurîndei.

12 Se Adükarîmbo anihondümbo-ndîhorühî hibadîhorühî hîhîfi-hîhîfîndei. Tîŋîrîfo siheimbo tükündîfeyoanî se afurîndîhindühî nîmandei. Nîmbî-nîmbîsi se Adükarîmbo didîbafîndahi ndîhündî.

13 Sihei anihondümbo-rîhindeimbi wandafî mamî ai napo mbonîmbo-ndîhümündianî se aheimbo sihei-mayo ndahündürî. Asu ndîfo nindou tükündahindanîwanî aheimbo amboanî worîndîhindürî.

14 Nindou siheimbo moaruwaimbo-arîhindürî ranaheimbo God ai aboedî-aboedî-mbîreandüramboane mbisei hehi didîbafî-ndahindürî. Godîmboya aheimbo didîboado-mbîreandüramboane mbisei, ŋga ŋgîrî se Godîmboya aheimbo moaruwaimbo-ndowandürî mbisei.

15 Nindou hîhîfi-hîhîfîfayei ranî-babîdî hîhîfi-hîhîfîmbeyei-amboane, asu nindou aranayei ranî-babîdîmbo amboanî aranîmbeyei-amboane.

16 Sihei wandafi mamî rani-babidi wudiwudiindahindi. Se ngiri aboedi nindou yangiri hohoanimondei wudiindihinduri, nga se nindou moaruwai rani-babidi nimboei. Asu se sihei fimbo hohoanimondeihî ro fifirtheandeimb-anahî mbiseimboyei.

17 Nindou ngorü ai siheimbo moaruwai-moaruwaimbo-ndihindürani, asu se simbori aheimbo moaruwaimbo-ndihindürimboyei, nga yowani. Nîne hohoanimo nindou ai aboed-ane aseî ana, se rani yangir-animbo randihindi.

18 Se munquambo nindou-babidi aboedi nîmarimbohündambo nafî kokondiündi.

19 Wandî wandafi, nindou ai siheimbo moaruwaimbo-ndihindürani asu se siheihoari rani-moatükuni ranahambo simbori hîhirîndihî randihimboyei. Nga moani randihî hîningîndihindani God ai aheimbo ngîniîndî-mbirandürimboane. Bukambe yare hoafiyowohü yahoya,

‘Nindou ngorumbo hîhirife moaruwaimbofe ranana wandî ratüpur-ane.

Wandîhoar-animbo ro aheimbo simbori moaruwaimbo-ndîhearümboyahî,’ *Io*

32:35

mehu Adükari ai.

20 Nga asu, Bukambe yare hoafiyowohü yahoya, ‘Nindou sîhambo hürütüranîni-randeimbi ranai wembombonduanî, ahambo sesi dabado, asu amîndanîngombo-nduanî, hoe dabado.

Se ahambo randoworanî ana, ai sîhambo ramareanîni ranîmbo asu ai amoanîngîndümbui,’ *Sindaun*

25:21-22

meho.

21 Moaruwai hohoanimo ai ngiri sihambo ngasündeanini haya hifinambondeanini. Nga se aboedi hohoanimo rani-süngundowandühi ratüpurindafan-animbo asu se moaruwai hohoanimo ranahambo hifinambondowamboyafi.

13

Sihiri gafmani-yomondi hoareh-undefomboane

¹ Nindou munquambo gafmani-yomondi hoareh-animbo niñgomboane. Nga moai gafman ai aimbo hoaniru tüküyafundi, nga Godindi hoafi süngu ahandi warihündanemo. Munquambo gafman ra God ai kafaare hiniñgimareapur-anemo.

² Ranimbo-hündamboane nindou ai gafmani-yomondi hoafi mbahirarthehindi ra asu Godindi hoafi kameih-ane mbahirarthehindi. Ranimbo wamboane asu ai tñirifo ndahümündimboyei.

³ Gafman ai nindou aboedi hohoanimo ratüpurirawarhindi aheimbo refendürimboyopani, nga nindou düdi ai moaruwai hohoanimoayu ranahambo refemböhündamboanemo aningomo. Gafmanimbo yihimbombo se moeimboyafi? Refe ana, se moani aboedi ratüpurirani yangir-animbo süngundowandani asu ai sihambo aboed-anafi mbisimo hoafindimboemo.

⁴ Gafman aiana Godindi ratüpuriyomorundeimb-anemo se aboedi mbinimbafayahomo houmbo aningomo. Nga asu se moaruwai ratüpurirandowandühi rananimbo se yihimbondafi ranahambo. Nga aiana moai moani nginindi moatükuni ra semüdu.

Aiana God kafaore hiniŋgimareandi wambo asu ai Godindi-mayo ŋginindi nindou moaruwai-mbofe hohoanimo ra semündümboani nindou ai moaruwai hohoanimoaye aheimbo moaruwaimbo-fendürimbohünda.

⁵ Ranimbo-hündambo-animbo asu se gafmanindi hoarehi nimboei. Asu rani-moatükuni sünguefeyo ra moaruwai-mbofe ranahambohünda yhimboombo yangiri-yopoani, ŋga gafmani-yomondi hoarehi niŋgo ra aboedi hohoanimo süngufe-ane.

⁶ Ranimbo-hündamboane asu se gafmanimbo takis pirahi arihündi. Gafman aiana Godindi ratüpuri ratüpuri-yomondühi rananemo asu ai rani ratüpuri rani yangiri hifandiru arundi.

⁷ Gafman nindou ranahamumbo nini-moatükuniyo segodürimboaye ana, aheimbo moani rani-moatükuni ra dagadüri. Gafman ai ninini-moatükuni takisimboyo hoafindimondani, se ahamumbo ndehindi. Asu bogori nindou ranahandi hoarehindeih asu ahambo ahinidei. Asu nindou ndüri adükarümbi ranahambo ndüri adükarümb-animbisei hohoanimondei.

Simbori ŋgusüfo pefembo hohoanimo

⁸ Se nindou ŋgorüdi-mayo nini-moatükuni ndowandifi mbunda simbori saimbo-mayo ra hiŋgindowanda gedühi niŋgomboe, ŋga yowan. Se sapo simbori ŋgusüfo pefe hohoanimo rani yangiri-animbo süngundihindi. Nindou düdi ai ŋgorümbo ŋgusüfo parareandi ana, ai muŋguambo ahinümbi hohoanimo mengoro ra süngureandeimbi nindou-ani.

⁹ Mosesindi ahinümbi hohoanimo ranai yare hoafiyowohü yahoya, 'Nimorehi nindowenihi-yafe hohoanimo moaruwaimbo-fepoani. Nindou hifokoefepoani. Hübuhünipoani. Nindou ηgorüdi napo hohoanifepoani,' meho. Muηgu rani ahinümbi hohoanimo ranane asu amuri muηguambo engoro ranane muηguambo mamambere haya nimindi hoafi ra yare hoafiyowohü yahoya, 'Se nindou amurambo ηgusüfo pandowandi se s+hafi fimbo ηgusüfo pararowandi nou,' meho.

¹⁰ Nindou düdi ai nindou ηgorümbi ηgusüfo parariri ana, ai ηgiri ahambo moaruwaimbo-ndiri. Ranimboane nindou ai ηgorümbi ηgusüfo parariri ana, asu ai ahinümbi hohoanimo hondü muηguambo ra süηgurandüh-ani.

Sihiri moani mbumundi hahabodefomboane

¹¹ Se fifirihimboanei haponda nini siyo sihiri animboefi ranimboane se rani hohoanimo süηgundihindi. Ndeara rani si ra se mapoei-ane, ηga hapondan-ana se botindahindi. Horombo sihiri Godindi hoafi anihondümbori-hundeimbi nindou nimboefimbo God ai sihefimbo aboedireamuneimbi-mayu rani si ra akimiyu, ηga hapondani ana ndeara akimi safi tüküfembo yangiri-ane.

¹² Nimbü ai ndeara muηgumbo yangiriyowohü asu si ai ndeara akimi simbo yahomboane. Nimbokoanindi ratüpurü ra hinηgüfemboane, ηga asu sirihündi yifiari napo ra ndahumindefomboane.

¹³ Nindou sirihü aboedi anüηgu nou sihiri nimboefomboane. Sihiri mamikari

hohoanimo yo wakife asu bia simindi hefe mamikari hohoanimo wakifepoani. Nimorehi sisihimoyo wakife asu moaruwai hohoanimo wakifepoani. Watikoafi hoafiyo asu nindou ngorumbo ngusüfoambe moaruwaimbo-fepoani.

¹⁴ Nga se Sisas Kraimbo yangir-animbo yifiari niminehoarimbo-ndihori sheifihigüdhori. Nga shei horombodidi moaruwai hohoanimo ngusüfoambe amaro ranahambo süngundhimboyei.

14

Wandafindandi hohoanimo ra sibiriyibobondihumboyei, nga wani

¹ Nindou mamai ai Godimbo anihondümboriran asu ahandi anihondümbofe ra kehurindoani ana, asu se ahambo Godindi nendi shei mbusümo ndahorimindei ngei. Asu ai nene hohoanimoayu ranahambo simbori wataporimbo-ndühimboyei.

² Nindou mamai ai ahandi anihondümbofe hohoanimo nginindi süngwareandi ana, ai munguambo sesi ra sesuhani, nga asu nindou ngorü ai ahandi anihondümbofe ra kehurayo ana, ai ngiri safi aboedi dedu, nga wandümo yangiri sesuhani.

³ Nindou ai munguambo sesi sesü-randeimbi ana, asu nindou moani wandümo yangiri sesümbi-mayu ranahambo yowan moaruwai hohoanimo-yondopoani. Asu nindou wandümo yangiri sesü-randeimbi ranai nindou mungu-moatükuni sesümbi-mayu ranahamboya, aiana moaruwai hohoanimo-yu-randeimb-ani

yahopoani. God ai nindou ranahambo amboani serümündumboani mbohünda.

⁴ Nindou se didiyafi, asu se nindou ngorüdi ratüpuriyu-randeimbi nindoumbo yiboboar+wora? Nindou sapo ahambo hifandarandi ai-animbo ahandi ratüpurira aboedimbayo wanimbayo mbüsü yibobondeambui. Nga asu ratüpuriyu-randeimbi ahandi ratüpur aboedi ngomboe nimboue sapo Adükarai ai ahambo ngin+rümündü nungumbo wambo.

⁵ Nindou mamai aiananiya mamai si ranana ai adükarai hamndiyo haya amurisi aho ranahambo ngasündeamboane yahuhani. Nga asu nindou ngorü aiananiya muᅇguambo si aho ra simogod-ane yahuhani. Nindou mamamisi se siheihoari ngusüfoambe hohoanimondei hoend+hindüh-animbo hohoanimondei.

⁶ Nindou düdi ai mamai si ra adükarai si-ane yahuhana, ai Adükarimbo yangiri ho-hoanimo-yundowohani. Asu nindou düdi ai muᅇguambo sesi sesü arandi ra ai Adükarimbo hohoanimoyuhani asesu. Rani sesi ra Godimbo hihifirürimburamboani asesu. Asu nindou düdi ai muᅇguambo sesi wehayu ra Adükarimbo ho-hoanimo-yundowohani wehayu. Asu ai amboani Godimbo hihifirürühani.

⁷ Nindou mamamisihiri moai sihefi hohoanimonambo yangiri nimboefi. Asu mamamisihiri moai sihefipoanimbo hohoanimonambo yangiri yifayefi rihundi.

⁸ Sihiri yangiri animboefi ra Adükarimbo hohoanimo-yefühanefi. Asu sihiri yifayefi ra Adükarimbo hohoanimo-yefühi yifayefi. Sihiri

nimboefühindowani asu yifindefühindowani ra moani sihiri Adükarindi yangiri hamind-anefti.

⁹ Ranahambo sünguyo nindou yangiri animboei-anei asu yifimayei-anei ahei Adükarimbofe niŋgombo-hündamboyu Sisas amboani yifiyu mbura asu honguambeahindi yangiri botimefiyu.

¹⁰ Asu se, nimboe sihafı wandafindandı hohoanimo ranimbo yiboboarıwora? Asu se, nimboe sihafı wandafindambo yiboaruko-arowora? Sıhiri ranahambo fıfirındıhumboane, ŋga muŋguambo sıhiri Godındı himboahü nimboemboyefı ai sıhefımbıo yıbobofemunımbıohünda.

¹¹ Bukambe hoafı ra yahoya, Adükarı ai yahuya, ‘Ro yangiri nimboambo dabareheandı nindou muŋguambo ranai wambo yirüyımbu pusındühi-ndıhümboyei asu nindou muŋguambo ahei yafambenambo weındahı hoafındahündürühi God Adükar-ani mbıseımbıoyei,’ *Aısaia 45:23* mehu.

¹² Ranımbıo-hündambo-anımbıo asu muŋguambo sıhiri sünguna Godındı himboahü sıhiri nıne ratüpurı ratüpurımayefı ranahambo hoafındahündımbıoyefı.

¹³ Ranımbıo-hündambo-anımbıo asu wandafıbabıdı sımbıorı yıbobıoferüpoanı, ŋga rühısafı hınıŋgıfemboane. Ŋga sıhiri ŋgorü hohoanımo süngundıhumboane. Sapo sıhiri mamı moatükunı refeyoanı ana, wandafı ai bübüründühi moaruwai

hohoanimo süngundifimbui rani hohoanimo ana hiniŋgifemboane.

14 Ro Adükari dibo-anahi, nga ranimboanahi rani-moatükuni ra ro fifiriheamboanahi. Moai nini sesi ai ahandihoari moaruwaiyo. Nindou ai rani-moatükuni ra moaruwai-ane ehu ana, moani ai ahambo moaruwai-ane.

15 Ra ai yahurai-ane. Se nini-moatükuniyo sowasifani ranimbo-hünda sihaf wandafi ai hoeireaninühi afindi hohoanimoayu ana, asu se ahambo moai hohoanimoyafi. Sisas nindou ranahambohünda yifimayuane, nga asu sihaf sesi hohoanimo ranambo se nindou ra moaruwaimbo-ndiworimboyafi.

16 Se mami moatükuni ranahambo aboed-ane asafi ana, se hibadambo. Sihafi hohoanimonambo yangiri-po, nga moaruwai-ane mbiseimboyei.

17 Sesi, sesi asu hoe simindi hohoanimo ranana God nginindi hifandarandi ranahandi nimindiyopoani, nga wani. Nga God nginindi hifandarandi rani nimindi hohoanimo-ane nda. Mbumundi hohoanimo, ngusüfo afurifimbi hohoanimo, asu Yifiafi Aboedindi hihifi-hihifi hohoanimo ra.

18 Nindou ai Sisas Kraisindi ratüpurimbo yangiri rani hohoanimo süngu anüngu ana, God ai ahambo hihifi-hihifindundowan asu nindou amuri ai-amboaniya ai nindou aboed-ani mbisahündomboyei.

19 Ranimbo-hündambo-animbo asu munguambo ai sihefimbo mamambefemuni hohoanimo asu wandafi mamiyei hohoanimo nginemindündürü rani yangiri sünguni-

ndihumboane.

²⁰ Se sesi ranahambo yangiri ho-
hoanimondeihⁱ asu God ai nⁱne-moatükunⁱ
ramareandⁱ ranahambo moaruwaimbo-
ndihimboyei. Mungu sesi moatükunⁱ ranana
aboed-ane. Nga asu se nⁱne sesi sowasifanⁱ
nindou ngorü ai ranahambo ahandⁱ fimbo
moaruwai-ane yahu mbura asesu ana, ai
moaruwai hohoanⁱmoyuhani asu rananⁱmbo
se-amboanⁱ moaruwai hohoanⁱmo-yafühanafi.

²¹ Asu se nⁱnihondⁱ sowasifi, bia simindifi, asu
amuri moatükunⁱ aho ra rarowandanⁱ ranⁱmbo
sihafi wandafi ranai hohoanⁱmo moaruwai ho-
hoanⁱmonduanⁱ ana, asu se ranⁱ-moatükunⁱ ra
hinⁱngindowandi. Ranane aboedayo.

²² Se nⁱne hohoanⁱmo anihondümbö-
arowandi rananⁱmbo God-dibo se yangiri
hohoanⁱmondafi kikihindowandi. Nindou
ai moanⁱ ahandⁱhoari mamⁱ moatükunⁱmbo
aboed-ane yahu hohoanⁱmoayu ana, ra aboed-
ane. Asu ranⁱ hohoanⁱmo ranai ahandⁱ fi
ranahambo papi-hoafi-koate-ndoanⁱ ana, asu
ai hihifi-hihifimbiyu-wamboane!

²³ Nga asu nindou ranai yimbu hohoanⁱmo
süngu sesi ra asesu ana, ai ra ahambo moaruwai-
ane sapo ai nⁱne sesi ranahambo moaruwai-
ane yahuhaya asesu ranⁱmbo-hünda. Nindou ai
hohoanⁱmo mamⁱ ranahambo aboed-ane yaho
anⁱhondü-mbofekoateyu randühⁱ yare arandⁱ
ana, asu ai moaruwai hohoanⁱmo-yumboani.

15

*Kraisindi hohoanimo yangiri sihirⁱ
süngundihumboane*

1 Nindou sihirî didiyefî anihondümbofe hohoanimo nginindî sahumundefeimbi sihirî nindou düdi ai anihondümbofe kehuri arandî ranahambo farihelimboane nginindî niŋgombohünda. Nga sihefî fimbo yangrî hohoanimopoanî.

2 Sihirî mamamî nindou sihefî wandafî ranaheimbo aboedî niŋgombohünda didiboado-ndihundüranî ai hihifî-hihifîndeimboyei. Rananimbo asu ai nginindî nimboeimbo anihondümbon-dihimboyei.

3 Nga Sisas Kraias ana ai moai ahandî fimbo yangrî hohoanimoyu. Nga asu ai ramefiyu ra, Bukambe hoafîmayo nou, 'Ape, nindou sihambo moaruwaimbo-marîhinîni hoafî ra sinî wambo gabudî-mafoareandîrî,' mehu.

4 Muŋguambo hoafî horombo Bukambe sürü papîmarandî ra sihefimbo yamundife-munîmbohündamboyo sürü papîmarandî. Ranî hoafî ra sihefimbo ŋgusüfoambe ŋginîramîndîmunî asu afurîhemuna anihondümbondîhu hîmbondefühî nimboemboyefî. Ranîmboane asu sihirî anihondümbon-dihundühî nimboemboyefî.

5 God ai ŋgusüfoambe ŋginemîndîmbo asu afurîfe niŋgombo hohoanimo ra sai arandî ai siheimbo mbîfarîhendür-amboane rananimbo asu se Sisas Kriasi-mbo süngurîhi arîhündî, sihei mbusümo mamî hohoanimo yangrî süngundîhimboyei.

6 Rananimbo asu se hohoanimo, yafambe mamambendîhi mbundîhü, sihefî Adükarî Sisas Kraiîndî God asu afîndî ranahandambo adükar-

ani mbisefi+amboane.

Krais ai Suda asu Suda-yafe ndifo ranaheimbo mafar+heirü

⁷ Nindou ai Godimbo aboed-ani
hoafi+mbohündambo se siheihoari
ndahümündihündürü sapo Krais ai siheimbo
masem+ndündürü nou.

⁸ Nga ro siheimbo hoafehandürü, Sisas ai
Suda-yafe ratüpurü+yu-randeimbi nindoumbofi
manüngu. Rananimbo asu God ai ahei amao
mamimbo horombo hoafire masihendi ra
anihondumbo ramareandi ra nafuimbohünda
Sisas tükümefiyu.

⁹ Rananimbo asu Suda-yafe ndifo ai-amboani
Godindi hi+poambofe hohoanimo raninambo
ahambo adükar-ani mbiseiya yahuhayamboyu
ramefiyu. Sapo Bukambe yare hoafi+yowohü
yahoya,

‘Rananimbo Suda-yafe ndifo ranahei
himboahü ndürü adükarümb-ani mbisa
hoafi+ndamboyahi.

Asu sihafi ndürü herüna kakisaondi-
haninimboyahi,’ *2 Samuei*
22:50

meho süngu.

¹⁰ Asükaiyo Bukambe yare hoafi+yowohü yahoya,
‘Suda-yafe ndifo se-amboani Godindi nendi rani-
babidi hi+hifi-hihifi+ndei,’ *Io*
32:43

meho.

¹¹ Asükai hoafi+yowohü yahoya,

‘Suda-yafe ndifo müngu se Adükarimbo ndürü
adükarümb-ani mbisei.

Asu munḡuambo nimorehi nindowenihī se
ahandi ndūri herūna kakisaondi hori, *Buk
Song 117:1*

meho.

¹² Asūkai Aisaia ai hoafi yuhū yahuya,

‘Sesindi ahuirī ai tūkündüfimbui.

Nindou ranai-animbo Suda-yafe ndifo rana-
hei bogorimbondifi nūngumbui.

Rananimbo nindou ranai ahambo
anihondumbo-ndi horūhi hī badī horūhi
nimboeimboyei, *Aisaia 11:10*

mehu.

¹³ God ai anihondumbofe hīmboyondombo
hohoanimō ra nīmīndūhani. Se ahambo
anihondumbo-rī hori arihūndi ranimbo-animbo
asu ai siheimbo ahandi-mayo hīhīfi-hīhīfi
asu ḡusūfo afurife kife hohoanimō ra afīndi
safi mbisagadūr-amboane. Rananimbo Yifiafi
Aboedīndi ḡḡinīndinambo sihei Godimbo
anihondumbo-fihī hīmboyondombo hohoanimō
ranai adūkarī hamīndi ḡgombōe.

*Por ai Suda-yafe ndifo-yafe ratūpurīyu-
randeimb-ani*

¹⁴ Wandafi mamī, ro ḡusūfoambe
anihondumbo-rī heamboanahi se aboedi
hohoanimō hohoanimoyei arihūndi ranimbo.
Se munḡuambo mamamī fifirife ra aboedi
fifirihimbo wambo asu se siheihoari simbori
yamundi-firīndei.

¹⁵⁻¹⁶ Ro sihei hohoanimō asūkainda
botīndihearū saheheamboanahi asu
yihimbokoate bidifiri hoafi siheimbo sūrū
papimarīhandi. Nimboe sapo God ai wambo
rani-poanimbo ḡḡinīndi masendi ranina Sisas

Kraisindi ratüpurî Suda-yafe ndifo aheimbo farifehe-ndürimbohünda. Roana Godimbo sesi shai-randeimbî nahurai ahandi-mayo aboedi hoafi ra Suda asu ahei ndifo ranaheimbo hoafiyahandürî arihandi. Ro ranaheimbo God sowana ndahamindi-handürî ngahani asu Yifiafi Aboedi ranai randeira asu ai Godindi yangiri tükümbeyahinda samboanahi. Rananimbo asu ro Godindi warihündi-hearümboyahi sapo ahambohünda ninihondi hifokoaru shoemonda hihifefiyu nou.

17 Rani ratüpurî ra Sisas Krais-dibo ratüpurayahi ana, asu ro Godindi ratüpurayahi ranimbohünda hihifi-hihifindamboyahi.

18-19 Ro ngiri amuri moatükunî ranahambo hoafindahî, nga ninî ratüpurîyo Krais ai wambo ramareandi rani-sünguyu Suda-yafe ndifo Godindi hoafi süngumarihindi rani yangirimboanahi hoafinda sahehea. Ai wandî hoafi, ratüpurî ranahandamboyu farihendiri haya ratüpurîmayahi. Raniyu asu Yifiafi Aboedindi nginindanambo ai wambo mafarihendira hepünüfeimbî moatükunî asu Godindi nginindi nafuimbo moatükunî ra ramarheandi. Ranimboyahi ro Serusarem ngoafihü peya hehea Kraisindi aboedi hoafi munguambo ra wataporimbo-rihi hambo asu Iririkum hifihü tükümeheandi.

20 Rani ratüpurî ra nindou bidifiri ai Sisasindi ndürî himborikoate-yeimbî ranaheimboanahi ro ho aboedi hoafi bokarifeumbo hohoanimoayahî. Roana wori moani ngorü nindoundî kambohaniwami

worimbombo-yahipoani hohoanimoayahi, nga wani.

²¹ Nga Bukambe yare hoafiyowohü yahoya,
'Nindou didiyei ai Krai ahambo hoafiyondüri-
koate-memondüri ai-animbo hoeindihorim-
boyei.

Nindou didiyei ai ahandi hoafi
himborikoate-yeimbi ai animbo ahambo
fifirindihorimboyei,' *Aisaia 52:15*
meho ranimboanahi refembo hohoanimoayahi.

Por ai Spen hifina hombo hohoanimomayu

²² Ranimbo-hündamboanahi asu ro siheimbo
sowana afindimbo tüküfembo kïkarïheheandi.

²³ Nga asu ndani hifini ro ratüpurimbo
ratüpurï moai niŋgo. Afindi himbani maho
ra ro siheimbo sifo hoeifendürimbo sahehea
hohoanimomayahi.

²⁴ Nga hapondani ana awi refembo
himboayo. Ro Spen hifina gagühühi asu
nafina siheimbo sini hoeifendüri hefe
homboanahi hohoanimoayahi. Rananimbo
awi ro didi asu ranihü se-babidi akïdou
nimandi hihifi-hihifinda sahehea. Siheimbo
hoeindihe hininŋindihearü heheambo-animbo,
asu se wambo Speninambo hombo ranafi
fandïhehindïra ŋgamboane.

²⁵ Nga awi haponda hamindi ana
Serusareminambo Godindi nindou ra farïhefe-
ndürimbo hahühanahi.

²⁶ Godindi nendi bidifiri Serusaremi-
yafe mbüsumo amarei ranai napokoate-
mayeamboyei Masedonia asu Akaiahündi
Godindi hoafi süngurïhindeimbi ai kaki gugurife

mburümbo farihefe-ndürimbohündambo hoafi firihümündi masihendi.

²⁷ Ai ahei hohoanimonambo yangiri moani kaki ra gugurahi masihendi. Suda ai ahei ndifo nindou ranaheimbo Godindi aboedi hohoanimo raninamboyo farihendürihi didiboado-marhindüri. Ranimboane asu Suda-yafe ndifo ranamboani Sudambo ahei fi ningo hohoanimo ranimbo simbori mbifarihendi-ndüramboane.

²⁸ Rani-moatükunü ra ro mungundihe mbundühamb-anambo samboanahi. Ro kaki Suda Serusaremihündi ranahei warambe hiningindihe heheambo-animbo, asu ro Spenina ngahühi nafina rühi didi sheimbo hoeindi-hearümboyahü.

²⁹ Sheimbo sowana asinühi ana, ro fifirihamboanahi Kraisindi-mayo didiboadofo hohoanimo rani simongorühi didimboyahü.

³⁰ Wandafi mamü, Adükari Sisas Kraisindi süngu asu Yifiafi ai ngüsüfo pefe sairandeimb-ane rani-süngu ro sihei ngüsüfoambe botirihendühi sheimbo hoafehandüri nda: Se wambo fandihendüri hehimbo Godimbo didibafifembo ra tiriifo-ndefomboane ai wambo farihefe-ndürimbohünda.

³¹ Nindou Sudiahündi Godindi hoafi süngufekoate amarei ra wambo-yündirimbo maseimbo se wambohönda Godimbo didibafindahindani animbo asu ai wambo ahei warambeahindi aboedambo-mbireandiramboane. Asu se didibafindahindan-animbo ai wambo fandihendüra Godindi nendi Serusarem ngoafihü amarei ranai wandi-mayo fehefe ratüpuri ra ndorühi mbisahümündi-amboane.

³² Ranimboane asu God ai yare hohoanimoayu

ana, ro siheimbo sowana hihifi-hihifümbi dügühühimbo se-babidimbo fi handihe nimandimboyahi.

³³ Sapo God, afurifimbi hohoanimo nimindühayu ranai munquambo se babidi mbinünguwoamboane. Nga anihond-ane.

16

Nimorehi nindowenihifindi aheimbo Por ai hihifimarandüri

¹ Se shefi rehi Fibimbo fihindühümündi samboanahi hoafayahi. Sapo ai Senkria ngoafihündi anihondumbo-rihindeimbi farihendüri-randeimbi-mayo ranahambo.

² Se Adükarindi süngu Fibimbo fihindühümündi se-babidimbo shei mbusümo mbini ngo-wamboane. Rani hohoanimo ranane aboedayo, nga Godindi nindow sihiri rani hohoanimo rananimo süngundihumboane. Asu ninimboyo ai mbonimbo-ndamindowani ra se ahambo fandihendi. Nimboe ai nindow afindi ranaheimbo farihendüri marandi asu wambo amboani mafarhendiri.

³ Sisas Kraisindi ratüpurü ro mamü ratüpurüyefi-rihundeimbi Prisira, asu Akwirambo wandi-mayo hihifi hoafi nda hoafindahüpri.

⁴ Nindow yimbu ai yifimbo moai yihimboyafe wambo farihefe-ndirimböhünda. Ranane asu ro yangriyahipoani ahafembo hihifarihapiri, nga wani. Suda-yafe ndifo Godindi hoafi süngurihindeimbi munqu ranamboani ahafembo hihifiri-hüpirühanei.

5 Asu wandi hihifi hoafi nda nindou ahafe worambe fandihi arihundi aheimbo hoafindahündürü. Wandi wandafi hondü Epainetusimbo amboani wandi-mayo hihifi hoafi nda hoafindahündo. Nindou ra ai boateiyu Esia hifihündi Godindi hoafi masemüdü.

6 Maria nimorehi sapo siheimbohünda ratüpurü tñirifomayo ho ranahambo amboani se wandi hihifi hoafi nda hoafindahündo.

7 Wandi hihifi hoafi nda nindou yimbu Andronikus asu Suniasimbo hoafindahüpüri. Nindou yimbu aiana wandi sirambeahindianafani, nga aiyafani ro mamü muŋgu karabusambe manimboefi. Nindou aiana Godindi hoafi sowandümo homo-rundeimbi ahamundi mbusümo ndürimb-anafani. Ai boateiyafani wambo ngasündirineandiri hena asu ai Kraisisimbo süngunimariniri.

8 Ambriatus ai wandi wandafi hond-ani Adükarindi hohoanimo rani-süngu ahambo wandi-mayo hihifi hoafi nda hoafindahündo.

9 Urbanus ana Kraisisindi ratüpurü ra mamü shiri-babidimbo ratüpurüyu-randeimb-ani. Asu wandi-mayo hihifi hoafi nda ahambo hoafindahündo. Asu Stakisimbo wandi-mayo hihifi hoafi nda hoafindahündo nimboe ai wandi wandafi hond-ani.

10 Aperes ahandi Kraisisimbo süngufe hohoanimo ra rarihi hoeirihinda mayowa nginind-ane masei, nga ahambo wandi hihifi hoafi nda hoafindahündo. Asu Aristoburusindi worambe nindou-animboei aheimbo wandi hihifi hoafi nda hoafindahündürü.

11 Herodion, wandi sirambeahindi nindou, ahambo wandi hihifi hoafi nda hoafindahündo.

Asu Narsisusɪndɪ worambe nindou Adükari-babɪdɪ amarei ranaheimbo wandɪ-mayo hɪhɪfɪ hoafɪ nda hoafɪndahündürɪ.

¹² Adükariɪndɪ ratüpurɪ tɪŋɪrɪfoyafe-rɪnandeimbɪ Trifina asu Trifosa ahafembo wandɪ-mayo hɪhɪfɪ hoafɪ nda hoafɪndahüpɪrɪ. Persis wandɪ wandafɪ hond-ane asu ai-amboanɪ Adükariɪndɪ ratüpurɪ tɪŋamboyo-randeimb-ane ahambo wandɪ-mayo hɪhɪfɪ hoafɪ nda hoafɪndahündo.

¹³ Rufus ana nindou aboedɪ hamɪnd-ani Adükariɪmbo süŋgufimbo. Asu ahandɪ hondɪ ai wambo amboanɪ ahandɪ nɪmorɪ hondümboreandɪrɪ haya dɪdɪboado-mareandɪrɪ. Nga ahafembo wandɪ-mayo hɪhɪfɪ hoafɪ nda hoafɪndahüpɪrɪ.

¹⁴ Asinkritus, Fregon, Hermes, Patrobas, asu Hermas-anemo asu wandafɪ mamɪ ai-babɪd anɪmboei ranaheimbo wandɪ-mayo hɪhɪfɪ hoafɪ nda hoafɪndahündürɪ.

¹⁵ Firorogus Suria-anafe, Nereus, asu ahandɪ reh-ane, Orimbias asu Godɪndɪ nendɪ ai-babɪd anɪmboei ranaheimbo wandɪ-mayo hɪhɪfɪ hoafɪ nda hoafɪndahündürɪ.

¹⁶ Godɪndɪ nendɪ-yafe hohoanɪmona wandafɪ mamɪ ranaheimbo sɪmborɪ wakɪkɪhɪ-ndürɪmboane. Munġu ai sɪheimbo hɪhɪfarɪhündürɪ.

Kraisɪndɪ nendɪmbo yikürübɪru-rundeimbɪ

¹⁷ Wandafɪ mamɪ, sɪheimbo ro hoafehandürɪ nindou yikürübɪru asu sɪhei anɪhondümbofe hohoanɪmo moaruwai-mboru arundɪ ranahamumbo se hɪbadɪhümbö. Asu anɪhondümbö hoafɪ se masahümündi

ranahambo gogonimbofoaru-rundeimb-anemo se ahamumbo sowahî ngeimboyei, nga bündahindi.

¹⁸ Yahurai nindou ana sihefi Adükarî Sisas Kraiss ranahandi ratüpurî ra rarundühi-yomopoani, nga moani ahamundi fimbo hîhîfi-hîhîfi hohoanimo ranî yang+r-ane ratüpurîyomo arundi. Ahamundi aboedi asu aparümbi hoafi ranambo asu nindou ai fifirîfekoate-mayei ranaheimbo tikai hoafimemo.

¹⁹ Se Godîndi hoafi sünguarîhündi ranimbo hoafi ra mahowa nindou ai hîmboriyei parîhimboanei. Ranîmboanahî ro siheimbo hîhîfi-hîhîfayahî. Nga roana siheimbo se aboedi hohoanimo ra fifirîndîhîndî samboanahî, nga moaruwai hohoanimo se fifirîndîhimboyei, nga yowani, saheheamboanahî hoafayahî.

²⁰ God ana ngusüfoambe afurife kifeimbi hohoanimo ra nimîndühani asu ngîrî amîtata Satanimbo yirüna pühîndu sihei yirî hoarehî hîfinambondirî. Sihefi Adükarîndî-mayo hîpoambofe hohoanimo ra se-babîdî mbîmarîndüramboane.

Nindou bîdîfirî ai Romohündambo hîhîfi hoafi koamarîhehîndî

²¹ Ro mamî ratüpurîye-rîhoandeimbi Timoti ai siheimbo hîhîfarandürî. Asu Rusius, Seson, Sosipater mamî amboani wandî sîrambeahînd-anemo ai siheimbo hîhîfi hoafi hoafemondürî.

²² Ro Tertius-anahî. Ro Porîndî yafambehündî hoafi nda sahamîndî heheamboanahî sürü papîmarîhandî. Adükarîndî ndürînambo ro siheimbo hîhîfi hoafi nda hoafayahîndürî.

23-24 Gaius ai siheimbo hihifi hoafi hoafeyunduri. Ro ahandi worambe-ane animboahi. Asu nindou bidifiri Godindi hoafi sungurihindeimbi ahandi worambe amboani mare rarihi arihundi. Erastus ai gafmani-yomondi kaki hifandi-randeimb-ani ndani ngoafihü asu shefi wandafi Kwartus-ani ai siheimbo hihifi hoafi nda hoafefani.

Sihiri Godimbo aboed-ani mbisefimboane

25 Asu ro Sisas Kraisimbo aboedi hoafi hoafiya arihandi raninambo siheimbo God ai ngininda-mündürimbui. Dibo hoafi nda horombo ana dibo mengoroyo, nga asu hapondaniyo God ai ra semündü weindahimareandi.

26 God koadürümbo-koadürümbo nüngumbü ai hoafimayuwa asu ahandi hoafiyomo-rundeimbi hoafi sürü papiru masihoemo raninambo dibo hoafi ra weindahi tükumefeyo asu nindou ai ranahambo fifiri-marihindi. Munguambo sirihundi ai hoafi ra anihondümbo-rihindühi sungumbirihindi yahuhayamboyu God ai ramareandi.

27 God mami ai fifireandeimbi hond-ani asu Sisasindi sungu munguambo si ahambo aboed-ani mbisefimboane. Nga anihond-ane.

Godꞏndꞏ Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 18 Apr 2025 from source files dated 31 Aug 2023

c500d379-d0cf-5c22-9613-91d7bcc63af3